

慧日佛學班第 11 期／福嚴推廣教育班第 22 期

# 《大智度論》卷 75

〈釋燈喻品第五十七之餘〉<sup>1</sup>

(大正 25, 584c8-587b20)

釋厚觀 (2011.12.17)

【經】<sup>2</sup>

壹、不退轉菩薩自行功德無邊 (承上卷 74)

(壹) 明因行 (承上卷 74)

(貳) 明得菩提果 (承上卷 74)

一、就不增不減義明得菩提果 (承上卷 74)

二、就不即不離諸法明得菩提果

(一) 須菩提難

1、正難

須菩提白佛言：「世尊！菩薩摩訶薩用初心得阿耨多羅三藐三菩提？用後心得阿耨多羅三藐三菩提？」<sup>3</sup>

2、明因由

世尊！是初心不至<sup>4</sup>後心，後心不在初心。世尊！如是心心數法不俱，云何善根增益？若善根不增<sup>5</sup>，云何當得阿耨多羅三藐三菩提？」<sup>6</sup>

(二) 佛答

1、正答：非即初心後心，非離初心後心而得

(1) 舉爇焰喻釋

佛告須菩提：「我當為汝說譬喻，智者得譬喻，則於義易解。須菩提！譬如燃燈，為用初焰爇<sup>7</sup>炷<sup>8</sup>？為用後焰爇炷？」

<sup>1</sup> (大智度論釋燈喻品第五十七之餘卷七十五) 十八字 = (大智度論卷第七十五釋第五十七品下訖五十九品) 二十一字【宋】【宮】， = (大智度論卷第七十五釋第五十七品下訖五十九品) 二十二字【元】， = (大智度論卷第七十五釋深奧品第五十七之下) 十九字【明】， = (大智度經論卷第七十五釋第五十六品下訖第五十八品) 二十三字【聖】。(大正 25, 584d, n.16)

<sup>2</sup> [[【經】] - 【宋】【宮】 \*，不分卷【石】]。(大正 25, 584d, n.17)

<sup>3</sup> 《大般若波羅蜜多經》卷 450 (55 甚深義品)：

爾時，具壽善現白佛言：「世尊！若菩薩摩訶薩依止無增減、無所有為方便，修行般若波羅蜜多，由此為門集諸功德，便證無上正等菩提，是菩薩摩訶薩為初心起能證無上正等菩提，為後心起能證無上正等菩提？」(大正 7, 272c25-29)

<sup>4</sup> 至 = 在【聖】【石】，聖本有傍註「在或本」三字。(大正 25, 584d, n.18)

<sup>5</sup> 增 + (益)【聖】【石】。(大正 25, 584d, n.19)

<sup>6</sup> 《大般若波羅蜜多經》卷 450 (55 甚深義品)：「世尊！是菩薩摩訶薩若初心起能證無上正等菩提，初心起時後心未起，無和合義；若後心起能證無上正等菩提，後心起時前心已滅，無和合義。如是前後心、心所法進退推徵，無和合義，云何可得積集善根？若諸善根不可積集，則諸勝智無由得生；勝智不生，如何菩薩能證無上正等菩提？」(大正 7, 272c29-273a7)

<sup>7</sup> (1) 爇 = 焮【石】。(大正 25, 584d, n.20)

(2) 爇 (ㄐ一ㄠ)：2.通“焦”。燒焦。(《漢語大詞典》(七)，p.257)

須菩提言：「世尊！非初焰焦炷，亦非離初焰。世尊！非後焰焦炷，亦非<sup>9</sup>離後焰。」  
「須菩提！於汝意云何？炷為焦不？」  
「世尊！炷實焦。」

## (2) 合法釋

佛告須菩提：「菩薩摩訶薩亦<sup>10</sup>如是，不用初心得阿耨多羅三藐三菩提，亦不離初心得阿耨多羅三藐三菩提；不用後心得阿耨多羅三藐三菩提，亦不離後心得阿耨多羅三藐三菩提——而得阿耨多羅三藐三菩提。<sup>11</sup>

## 2、更說：初心乃至十地因緣具足而得菩提

### (1) 略標

須菩提！是中菩薩摩訶薩從初發意行般若波羅蜜，(585a) 具足十地，得阿耨多羅三藐三菩提。」

### (2) 明具足十地得

須菩提白佛言：「世尊！何等是十地，菩薩具足已，得阿耨多羅三藐三菩提？」  
佛言：「菩薩摩訶薩具足乾慧地、性地、八人地、見地、薄地、離欲地、已作地、辟支佛地、菩薩地、佛地——具足是<sup>12</sup>地，得阿耨多羅三藐三菩提。<sup>13</sup>

### (3) 結：非即初心後心，非離初心後心而得菩提

須菩提！菩薩摩訶薩學是十地已，非初心得阿耨多羅三藐三菩提，亦不離初心得阿耨多羅三藐三菩提；非後心得阿耨多羅三藐三菩提，亦非離後心得阿耨多羅三藐三菩提——而得阿耨多羅三藐三菩提。」

## (參) 明離二邊中道行

### 一、釋聲聞人生滅疑

#### (一) 須菩提歎緣起甚深而生疑

須菩提言：「世尊！是因緣法甚深，所謂非初心、非離初心，非後心、非離後心得阿耨多羅三藐三菩提，而得阿耨多羅三藐三菩提。」<sup>14</sup>

<sup>8</sup> 炷（ㄓㄨㄨˋ）：1.燈炷，燈心。(《漢語大詞典》(七)，p.55)

<sup>9</sup> 非=不【聖】。(大正 25，584d，n.21)

<sup>10</sup> [亦]—【宋】【元】【明】【宮】。(大正 25，584d，n.22)

<sup>11</sup> 《大般若波羅蜜多經》卷 450〈55 甚深義品〉：

佛告善現：「諸菩薩摩訶薩修行般若波羅蜜多，證得無上正等菩提亦復如是。非初心起能證無上正等菩提，亦非離初心起能證無上正等菩提；非後心起能證無上正等菩提，亦非離後心起能證無上正等菩提——而諸菩薩摩訶薩修行般若波羅蜜多，令諸善根漸漸增長，證得無上正等菩提。」(大正 7，273a14-20)

<sup>12</sup> 是+ (諸)【聖】【石】。(大正 25，585d，n.1)

<sup>13</sup> 《大般若波羅蜜多經》卷 450〈55 甚深義品〉：

爾時，善現白言：「世尊！諸菩薩摩訶薩修學何等十地圓滿證得無上正等菩提？」

佛告善現：「諸菩薩摩訶薩修行極喜地乃至法雲地，令其圓滿證得無上正等菩提；亦學淨觀地乃至如來地，令其圓滿證得無上正等菩提。」(大正 7，273a22-27)

<sup>14</sup> 《大般若波羅蜜多經》卷 450〈55 甚深義品〉：

爾時，具壽善現白佛言：「世尊！如來所說緣起理趣，極為甚深，謂諸菩薩摩訶薩非初心起能

**(二) 佛反問答釋****1、釋生滅疑****(1) 心滅不更生**

佛告須菩提：「於汝意云何？若心滅已，是心更生不？」<sup>15</sup>

「不也！世尊！」

**(2) 心生是滅相**

「須菩提！於汝意云何？心生，是滅相不？」

「世尊！是滅相。」<sup>16</sup>

**(3) 心滅相非滅**

「須菩提！於汝意云何？以<sup>17</sup>心滅相，是<sup>18</sup>滅不？」<sup>19</sup>

「不也！世尊！」

**2、釋住疑****(1) 心如如住**

佛告須菩提：「於汝意云何？亦如是住不？」

須菩提言：「世尊！亦如是住，如『如』住。」<sup>20</sup>

**(2) 不證實際**

佛告須菩提：「於汝意云何？若是心如『如』住，當作<sup>21</sup>實際不？」<sup>22</sup>

「不也！世尊！」

**3、歎如甚深**

佛告須菩提：「於汝意云何？是『如』<sup>23</sup>深不？」

「世尊！甚深<sup>24</sup>！」<sup>25</sup>

證無上正等菩提，亦非離初心起能證無上正等菩提；非後心起能證無上正等菩提，亦非離後心起能證無上正等菩提——而諸菩薩摩訶薩修行般若波羅蜜多，令諸善根漸漸增長，圓滿十地，證得無上正等菩提。」(大正 7，273b5-11)

<sup>15</sup> 《大般若波羅蜜多經》卷 450〈55 甚深義品〉：

佛告善現：「於意云何？若心已滅，更可生不？」(大正 7，273b11-12)

<sup>16</sup> 《大般若波羅蜜多經》卷 450〈55 甚深義品〉：

佛告善現：「於意云何？若心已生，有滅法不？」

善現對曰：「如是！世尊！若心已生，定有滅法。」(大正 7，273b13-15)

<sup>17</sup> 〔以〕—【聖】【石】。(大正 25，585d，n.2)

<sup>18</sup> 〔是〕—【石】。(大正 25，585d，n.3)

<sup>19</sup> 《大般若波羅蜜多經》卷 450〈55 甚深義品〉：

佛告善現：「於意云何？有滅法心非當滅不？」(大正 7，273b15-16)

<sup>20</sup> 《大般若波羅蜜多經》卷 450〈55 甚深義品〉：

佛告善現：「於意云何？心住為如心真如不？」

善現對曰：「如是！世尊！如心真如，心如是住。」(大正 7，273b16-18)

<sup>21</sup> 作=住【石】。(大正 25，585d，n.4)

<sup>22</sup> 《大般若波羅蜜多經》卷 450〈55 甚深義品〉：

佛告善現：「於意云何？若心住如真如，是心為如真如常不？」(大正 7，273b18-19)

<sup>23</sup> 如+ (甚)【宋】【元】【明】【宮】。(大正 25，585d，n.5)

**4、釋「心」、「如」不即不離<sup>26</sup>**

**(1) 即「如」不是心**

「須菩提！於汝意云何？但『如』是心不？」<sup>27</sup>

「不也！世尊！」

**(2) 離「如」無有心**

「離『如』是心不？」<sup>28</sup>

「不也！世尊！」

**5、釋「如」無分別**

「須菩提！於汝意云何？『如』見『如』不？」<sup>29</sup>

「不也！世尊！」

**6、結：能如是行，為行深般若**

「須菩提！於汝意云何？若菩薩能如是行，為行深般若波羅蜜不？」

須菩提言：「世尊！若菩薩摩訶薩能如是行，為行深般若波羅蜜。」

**二、破始行菩薩有見無見執**

**(一) 正明**

**1、住如中行，實無所行——破有見**

「須菩提！於汝意云何？菩薩摩訶薩如是行，是何處行？」

須菩提言：「世尊！若菩薩摩訶薩如是行，為無處所行。(585b) 何以故？若菩薩摩訶薩行般若波羅蜜，住諸法如中，無如是念、無念處、無念者。」<sup>30</sup>

**2、能行般若，勝義中行——破無見**

佛告須菩提：「若菩薩摩訶薩如是行，為何處行？」

須菩提言：「世尊！是菩薩摩訶薩如是行，為第一義中行，二行<sup>31</sup>不可得故。」<sup>32</sup>

<sup>24</sup> 深+（甚深）【宋】【元】【明】【宮】【聖】。(大正 25, 585d, n.6)

<sup>25</sup> 《大般若波羅蜜多經》卷 450〈55 甚深義品〉：

佛告善現：「於意云何？諸法真如為甚深不？」

善現對曰：「如是！世尊！諸法真如極為甚深。」(大正 7, 273b20-22)

<sup>26</sup> 真如：不離心，不即心。(印順法師，《大智度論筆記》〔E008〕p.300)

<sup>27</sup> 《大般若波羅蜜多經》卷 450〈55 甚深義品〉：

佛告善現：「於意云何？即真如是心不？」(大正 7, 273b22-23)

<sup>28</sup> 《大般若波羅蜜多經》卷 450〈55 甚深義品〉：

佛告善現：「於意云何？離真如有心不？」(大正 7, 273b23-24)

<sup>29</sup> 《大般若波羅蜜多經》卷 450〈55 甚深義品〉：

佛告善現：「於意云何？真如為能見真如不？」(大正 7, 273b27-28)

<sup>30</sup> 《大般若波羅蜜多經》卷 450〈55 甚深義品〉：

佛告善現：「於意云何？若菩薩摩訶薩能如是行，為行何處？」

善現對曰：「若菩薩摩訶薩能如是行，都無行處。所以者何？世尊！若菩薩摩訶薩行深般若波羅蜜多，無心現行，無現行處。何以故？世尊！若菩薩摩訶薩行深般若波羅蜜多時住真如中，都無現行及現行處、現行者故。」(大正 7, 273c3-10)

<sup>31</sup> 行=相【元】【明】【聖】【石】。(大正 25, 585d, n.7)

**(二) 責破****1、破有見**

「須菩提！於汝意云何？若菩薩第一義無念中行，為行相不？」<sup>32</sup>

「不也！世尊！」

**2、破無見**

佛告須菩提<sup>34</sup>：「於汝意云何？是菩薩摩訶薩壞相不？」<sup>35</sup>

「不也！世尊！」

佛告須菩提：「云何名不壞相？」

須菩提言：「世尊！是菩薩摩訶薩行般若波羅蜜，不作是念：『我當壞諸法相。』」<sup>36</sup>

**(三) 結中道行：以自相空方便不著有無**

世尊！菩薩摩訶薩行般若波羅蜜，未具足佛十力、四無所畏、四無礙智、大慈大悲、十八不共法，不得阿耨多羅三藐三菩提。

世尊！菩薩摩訶薩以方便力故，於諸法亦不取相，亦不壞相。何以故？世尊！是菩薩摩訶薩知一切諸法自相空故。<sup>37</sup>

**貳、明化他功德無邊****(壹) 菩薩住自相空為成就眾生故入三三昧**

菩薩摩訶薩住是自相空中，為眾生故入三三昧，<sup>38</sup>用三三昧成就眾生。」<sup>39</sup>

<sup>32</sup> 《大般若波羅蜜多經》卷 450〈55 甚深義品〉：

佛告善現：「於意云何？若菩薩摩訶薩行深般若波羅蜜多時，為何所行？」

善現對曰：「若菩薩摩訶薩行深般若波羅蜜多時，行勝義諦。此中現行及現行處俱無所有，能取、所取不可得故。」（大正 7，273c10-14）

<sup>33</sup> 《大般若波羅蜜多經》卷 450〈55 甚深義品〉：

佛告善現：「於意云何？若菩薩摩訶薩行深般若波羅蜜多時行勝義諦中，雖不取相而行相不？」（大正 7，273c14-16）

<sup>34</sup> 〔佛告須菩提〕—【宋】【元】【明】【宮】【聖】。（大正 25，585d，n.8）

<sup>35</sup> 《大般若波羅蜜多經》卷 450〈55 甚深義品〉：

佛告善現：「於意云何？是菩薩摩訶薩行深般若波羅蜜多時行勝義諦中，為遣相不？」（大正 7，273c16-18）

<sup>36</sup> 《大般若波羅蜜多經》卷 450〈55 甚深義品〉：

佛告善現：「是菩薩摩訶薩行深般若波羅蜜多時，云何不遣相亦不遣相想？」

善現對曰：「是菩薩摩訶薩行深般若波羅蜜多時，不作是念：『我當遣相及遣相想。』亦不作是念：『我當遣無相及遣無相想。』於一切種無分別故。」（大正 7，273c21-26）

<sup>37</sup> 《大般若波羅蜜多經》卷 450〈55 甚深義品〉：「世尊！是菩薩摩訶薩行深般若波羅蜜多，雖能如是離諸分別，而佛十力、四無所畏、四無礙解、大慈、大悲、大喜、大捨、十八佛不共法等無量無邊殊勝功德未圓滿故，未證無上正等菩提。世尊！是菩薩摩訶薩成就微妙方便善巧，由此微妙方便善巧，於一切法不成不壞、不取不遣。何以故？世尊！是菩薩摩訶薩達一切法自相空故。」（大正 7，273c26-274a5）

<sup>38</sup> 三三昧：為眾生入三三昧。（印順法師，《大智度論筆記》〔E003〕p.290）

<sup>39</sup> 《大般若波羅蜜多經》卷 450〈55 甚深義品〉：「世尊！是菩薩摩訶薩住一切法自相空中，為度諸有情入三三摩地，大悲願力所引逼故，依此三定成熟有情。」（大正 7，274a5-7）

**（貳）須菩提問**

須菩提言：「世尊！云何菩薩摩訶薩入三三昧成就眾生？」

**（參）佛答**

佛言：「菩薩住是三三昧，

**一、無作三昧**

見眾生作法中行——菩薩以方便力故<sup>40</sup>，教令得無作；<sup>41</sup>

**二、空三昧**

見眾生我相中行——以方便力故，教令行空；<sup>42</sup>

**三、無相三昧**

見眾生一切相中行——以方便力故，教令行無相。<sup>43</sup>

**四、結**

如是，須菩提！菩薩摩訶薩行般若波羅蜜，入三三昧，以三三昧成就眾生。」

**【論】<sup>44</sup>**

**壹、不退轉菩薩自行功德無邊**（承上卷 74）

**（壹）明因行**（承上卷 74）

**（貳）明得菩提果**（承上卷 74）

**一、就不增不減義明得菩提果**（承上卷 74）

**二、就不即不離諸法明得菩提果**

**（一）須菩提難：用初心得或後心得無上道**

**I、正難**

「須菩提問佛：以初心得無上道，為用後心得」者。

**※ 因論生論：須菩提難問之因由**

問曰：須菩提何因緣故作是問難？

答曰：

**（1）辨興難因**

**A、若諸法無增減，云何得無上道**

須菩提上聞諸法不增不減，心自生疑：「若諸法不增不減，云何得無上道？」

**B、菩薩未斷無明等煩惱，云何能如實正行**

復次，「若以如實正行得無上道，唯佛能爾；菩（585c）薩未斷無明等煩惱，云何能如實正行？」

<sup>40</sup> 〔故〕—【宋】【元】【明】【宮】。（大正 25，585d，n.9）

<sup>41</sup> 《大般若波羅蜜多經》卷 450〈55 甚深義品〉：「是菩薩摩訶薩安住無願三摩地，見諸有情多有所願樂者，以方便力教令安住無願三摩地。」（大正 7，274a14-16）

<sup>42</sup> 《大般若波羅蜜多經》卷 450〈55 甚深義品〉：「是菩薩摩訶薩安住空三摩地，見諸有情多執我我所者，以方便力教令安住空三摩地。」（大正 7，274a10-12）

<sup>43</sup> 《大般若波羅蜜多經》卷 450〈55 甚深義品〉：「是菩薩摩訶薩安住無相三摩地，見諸有情多行諸法相者，以方便力教令安住無相三摩地。」（大正 7，274a12-14）

<sup>44</sup> 〔【論】〕—【宋】【宮】。（大正 25，585d，n.10）

**C、初後二心不俱，云何增益善根得無上道**

復次，須菩提此中自說難問因緣，所謂：「初心不至後心，後心不在初心，云何增益善根得無上道？」

如是等因緣，故作是問：「以初心得、後心得？」

**(2) 述佛答意**

佛以深因緣法答，所謂：「不但以初心得，亦不離初心得。」

所以者何？若但以初心得、不以後心者，菩薩初發心，便應是佛；若無初心，云何有第二、第三心？第二、第三心以初心為根本因緣。

「亦不但後心、亦不離後心」者，是後心亦不離初心，若無初心，則無後心。初心集種種無量功德，後心則具足；具足故，能斷煩惱習、得無上道。

**2、明因由**

須菩提此中自說難因緣：「初、後心心數法不俱；不俱者，則過去已滅，不得和合；若無和合，則善根不集；善根不集，云何成無上道？」

**(二) 佛答****1、正答：非即非離初心後心而得****(1) 舉焦焰喻釋**

佛以現事譬喻答：「如燈炷，非獨初焰焦，亦不離初焰；非獨後焰焦，亦不離後焰——而燈炷焦。」<sup>45</sup>

**(2) 合法釋**

佛語須菩提：「汝自<sup>46</sup>見炷焦，非初非後而炷焦；我亦以佛眼見菩薩得無上道——不以初心得，亦不離初心；亦不以後心得，亦不離後心——而得無上道。」

「燈」譬菩薩道。

「炷」喻無明等煩惱。

「焰」如初地相應智慧乃至金剛三昧相應智慧。

焦無明等煩惱炷，亦非初心智焰，亦非後心智焰，而無明等煩惱炷焦盡，得成無上道。

**2、更說：初心乃至十地因緣具足而得菩提****(1) 略標**

此中佛更解得無上道因緣，所謂：「菩薩從初發心<sup>47</sup>來行般若波羅蜜，具足初地乃至十地，是十地皆佐助成無上道。」

**(2) 釋十地****A、略標**

「十地」者，乾慧地等。

<sup>45</sup> 焦焰喻。(印順法師，《大智度論筆記》[E015] p.312)

<sup>46</sup> 自=目【元】【明】。(大正 25, 585d, n.11)

<sup>47</sup> 心=意【聖】【石】。(大正 25, 585d, n.12)

**B、別釋十地**<sup>48</sup>

**(A) 乾慧地**

「乾慧地」有二種：一者、聲聞，二者、菩薩。<sup>49</sup>

**聲聞人**——獨為（586a）涅槃故，勤精進，持戒心<sup>50</sup>清淨，堪任受道；或習觀佛三昧，或不淨觀，或行慈悲、無常等觀；分別集諸善法，捨不善法。雖有智慧，不得禪定水則不能得道，故名「乾慧地」。

於<sup>51</sup>**菩薩**——則初發心乃至未得順忍。

**(B) 性地**

「性地」者，

聲聞人——從煖法乃至世間第一法。

於菩薩——得順忍，愛著諸法實相，亦不生邪見，得禪定水。

**(C) 八人地**

「八人地」者，

從苦法忍乃至道比智<sup>52</sup>忍，是十五心。

於菩薩則是無生法忍，入菩薩位。

**(D) 見地**

「見地」者，

初得聖果，所謂「須陀洹果」。

於菩薩則是阿鞞跋致地。

48	「乾慧地——五停心位、總別念處，有慧而無定水」	} 聲聞	
	性地——四加行		
	八人地——十五心		
	見地——得初果		
十	地   薄地——分斷欲界修惑		
	離欲地——阿那含		
	已作地——阿羅漢得盡智、無生智		
	辟支佛地——辟支佛		} 緣覺
	菩薩地——歡喜地乃至法雲地		} 菩薩，有三說
	佛地——具足佛法		} 佛

（印順法師，《大智度論筆記》〔B028〕p.167）

	乾慧地——發心未得順忍
	性地——得順忍，愛實相，不生邪見
	八人地——無生法忍
菩薩共地	見地——不退位
	薄地——過不退、未成佛，斷煩惱，薄餘習
	離欲地——離欲因緣，得五通
	已作地——成佛

（印順法師，《大智度論筆記》〔B028〕p.168）

<sup>49</sup> 二種十地。（印順法師，《大智度論筆記》〔E015〕p.312）

<sup>50</sup> 〔心〕—【宋】【元】【明】【宮】。（大正 25，586d，n.1）

<sup>51</sup> 〔於〕—【石】。（大正 25，586d，n.2）

<sup>52</sup> 〔智〕—【元】【明】【聖】【石】。（大正 25，586d，n.3）



**(E) 薄地**

「薄地」者，  
或須陀洹、或斯陀含，欲界九種煩惱分斷故。  
於菩薩——過阿鞞跋致地，乃至未成佛；斷諸煩惱，餘氣亦薄。

**(F) 離欲地**

「離欲地」者，  
離欲界等貪<sup>53</sup>欲諸煩惱，是名阿那含。  
於菩薩——離欲因緣故，得五神通。

**(G) 已作地**

「已作地」者，  
聲聞人得盡智、無生智，得<sup>54</sup>阿羅漢。  
於菩薩——成就佛地。

**(H) 辟支佛地**

「辟支佛地」者，先世種辟支佛道因緣，今世得少<sup>55</sup>因緣<sup>56</sup>出家，亦觀深<sup>57</sup>因緣法成道，名「辟支佛」。  
「辟支迦」，秦言「因緣」，亦名「覺」。

**(I) 菩薩地**

「菩薩地」者，

**a、第一說：共三乘中前六地**

從乾慧地乃至離欲地，如上說。<sup>58</sup>

**b、第二說：歡喜等十地**

復次，菩薩地——從歡喜地乃至法雲地，皆名「菩薩地」。

**c、第三說：初發心乃至金剛三昧**

有人言：從一發心來乃至金剛三昧，名「菩薩地」。

**(J) 佛地**

「佛地」者，一切種智等諸佛法，菩薩於自地中行<sup>59</sup>具足，於他<sup>60</sup>地中觀具足——二事具故名「具足」。

<sup>53</sup> 貪+（等）【聖】。（大正 25，586d，n.4）

<sup>54</sup> 得=無著【聖】【石】，但聖本有傍註「得或本」三字。（大正 25，586d，n.5）

<sup>55</sup> 少=小【聖】。（大正 25，586d，n.6）

<sup>56</sup> 緣+（初）【聖】【石】。（大正 25，586d，n.7）

<sup>57</sup> 深=察【聖】。（大正 25，586d，n.8）

<sup>58</sup> 《正觀》（6），p.187：《大智度論》卷 75（大正 25，586a20-21）。

<sup>59</sup> 行=得【宋】【元】【明】【宮】。（大正 25，586d，n.9）

<sup>60</sup> 他=地【宋】【元】【明】【宮】。（大正 25，586d，n.10）

**C、通難：不說菩薩似辟支佛地之理由**

問曰：何以故不說菩薩似辟支佛地？

答曰：餘地不說名字，辟支佛地說辟支佛名字故。

復次，菩薩能分別知眾生可以辟支佛因緣度者，是故菩薩以智慧行辟支佛事。(586b) 如《首楞嚴經》中，文殊尸利七十二億反作辟支佛。<sup>61</sup>

**(3) 結：非即初心後心，非離初心後心而得無上道**

菩薩亦如是，滿足九地，修集佛法，十力、四無所畏等雖未具足，以修習近佛道<sup>62</sup>故，名「具足」。以是故言：「十地具足故，得無上道。」

是諸法皆因緣和合故，非初、亦不離初<sup>63</sup>，非後、亦不離後——而得無上道。

**(參) 明離二邊中道行**

**一、釋聲聞人生滅疑**

**(一) 須菩提歎緣起甚深而生疑**

須菩提尊重是法故歎言：「世尊！是因緣法甚深，所謂過去心不滅、不住，而能增益得無上道。是事甚深希有，難可信解！此心為住、為滅耶？」

**(二) 佛反問答釋**

**1、釋生滅疑**

**(1) 過去心滅不更生**

「佛反問須菩提：於汝意云何？若心滅已更生不」者，諸法雖畢竟空、不生不滅，為眾生以六情所見生滅法故，問：「心已滅更生不？」

須菩提言：「不也！世尊！」

何以故？心滅已，云何當更生？若心滅已更生，則墮常中。

**(2) 現在心生當滅**

「若心生，是滅相不」者，上問「過去心」已，今問：「現在心相<sup>64</sup>當滅不<sup>65</sup>？」

<sup>61</sup> (1) 《佛說首楞嚴三昧經》卷下：

爾時，文殊師利法王子……白佛言：「世尊！我念過去劫名照明，我於其中三百六十億世以辟支佛乘入於涅槃。……如是，舍利弗！我於爾時滿一小劫，三百六十億世作辟支佛身示入涅槃。……舍利弗！菩薩如是以辟支佛乘入於涅槃而不永滅。」(大正 15，642a26-c14)

(2) 《佛說首楞嚴三昧經》卷下：

爾時長老摩訶迦葉白佛言：「世尊！我謂文殊師利法王子曾於先世已作佛事……。」佛言：「如是！如是！……過去久遠無量無邊不可思議阿僧祇劫，爾時有佛，號龍種上如來……迦葉！汝謂爾時平等世界龍種上佛豈異人乎？勿生此疑！所以者何？即文殊師利法王子是。」(大正 15，643c29-644a20)

(3) 首楞嚴三昧：文殊過去為龍種尊佛，七十二億世作辟支迦。(印順法師，《大智度論筆記》[H015] p.405)

<sup>62</sup> [道] — 【宋】【元】【明】【宮】。(大正 25，586d，n.11)

<sup>63</sup> 初+ (亦) 【聖】【石】。(大正 25，586d，n.12)

<sup>64</sup> 相+ (名必) 【宋】【宮】。(大正 25，586d，n.13)

<sup>65</sup> [不] — 【宋】【宮】。(大正 25，586d，n.14)

是故答：「是滅相。」

何以故？生滅是相待法，有生必有滅故，先無今有、已有還無故。

### 〔3〕心滅相非滅

「心滅相是滅不」者，若心滅相即是滅耶？更有滅耶？

答言<sup>66</sup>：「不也！世尊！」

何以故？若即是滅，則一心有兩時——生時、滅時。

說「無常」者，心不過一念時。如《阿毘曇經》說：「有生法，有不生法；有欲生法，有不欲生法；有滅法，有不滅法；有欲滅法，有不欲滅法。」<sup>67</sup>

生法現在一心中有二種：一者、生，二者、欲滅。生非欲滅相，欲滅相非生。是事不然，故言「不也」。

## 2、釋住疑

### 〔1〕心如如住

「當如是住不」者，若滅相非即是滅者，應常住不？若常住，即是不滅相。

佛如是翻<sup>68</sup>覆難，須菩提理窮故，作是念：「我若言『滅相即是滅』，則一心墮二時；若言『不滅』，實是滅相，云何言（586c）『不滅』？」

以上二理有過故，須菩提自以所證智慧答：「世尊！如是住，如如住<sup>69</sup>。」

### 〔2〕不證實際

「若是心如如住，當作實際不」者，若說「心相同如住」者，「如」即是「實際」；若爾者，心可即作實際不？

須菩提言：「不也！世尊！」

何以故？須菩提久尊重是實際；心是虛誑法——小乘智慧力少，不能觀心即作<sup>70</sup>實際，是故言：「不也！」

### ※ 因論生論：須菩提言「心不得作實際」之理

問曰：若須菩提已說「是心如『如』」，何以不得作實際？

答曰：「如」名「一切法實相」，心實相亦名「如」。

須菩提心謂「凡夫六情所見，虛妄顛倒故有過」；今說「心相如實」，無咎，故言「如『如』住」。

今「實際」即是「涅槃」；須菩提久貴涅槃故，不能即以心為涅槃，是故言：「不也！」

<sup>66</sup> 言=曰【石】。(大正 25, 586d, n.15)

<sup>67</sup> 參見《眾事分阿毘曇論》卷 4：「已起法，不起法；今起法，非今起法；已滅法，非已滅法；今滅法，非今滅法。」(大正 26, 644c2-4)，《眾事分阿毘曇論》卷 6 (大正 26, 656a11-15)；《品類足論》卷 5：「已生法，非已生法；正生法，非正生法；已滅法，非已滅法；正滅法，非正滅法。」(大正 26, 711c4-6)，《品類足論》卷 6 (大正 26, 715b26-c4)。

<sup>68</sup> 翻=播【聖】【石】。(大正 25, 586d, n.16)

<sup>69</sup> 〔住〕—【宋】【宮】。(大正 25, 586d, n.17)

<sup>70</sup> 作=是【聖】。(大正 25, 586d, n.18)

復次，以實際無相故，不得言「心即是實際」。

### 3、歎如甚深

「是如深不」者，以須菩提言「心如『如』住」，復言「不得作實際」；是故問：「『如』是<sup>71</sup>甚深不？」

須菩提不能遍知故，答言：「甚深！」

### 4、釋「心」、「如」不即不離

#### (1) 即「如」不是心

「但如是心不？」

須菩提答言：「不也！世尊！」

何以故？

「如」是一相、不二相；「心」憶想分別因緣生故<sup>72</sup>，是二相。

「如」無所知，「心」有所知。

又復「如」畢竟清淨故無所知，「心」有所覺知故。

#### (2) 離「如」無有心

離「如」，「心」亦如是。何以故？一切法皆有「如」，云何離「如」而有心？

### 5、釋「如」無分別

佛問須菩提：「『如』能見『如』不？」

答：「如」中無分別——是知、是可知；是菩薩不住如、法性、實際，真<sup>73</sup>行深菩薩道。

### 6、結：能如是行，為行深般若

佛問須菩提：「若如是行，能行深般若波羅蜜不？」

須菩提自觀小乘淺薄、觀大乘法深故，答言：「如是行，是為行深般若波羅蜜。」<sup>74</sup>

## 二、破始行菩薩有見無見執

### (一) 正明

#### 1、住如中行，實無所行——破有見

爾時，有未得無生法忍菩薩聞是法則心高，自謂：「出小乘，深入大乘。」

佛欲破其高心故，問須菩提：「菩薩（587a）如是行，為何處行？」

須菩提言：「如是行，為無處所行。」

何以故？菩薩住「如」中，無所分別故。

#### 2、能行般若，勝義中行——破無見

菩薩聞無處所行，或墮斷滅中，是故佛復問須菩提：「菩薩行般若，為何處行？」

須菩提言：「第一義中行。」<sup>75</sup>

<sup>71</sup> 〔是〕—【宋】【元】【明】【宮】。（大正 25，586d，n.19）

<sup>72</sup> 故+（心）【聖】【石】。（大正 25，586d，n.20）

<sup>73</sup> 真=直【宋】【元】【明】【宮】【聖】。（大正 25，586d，n.21）

<sup>74</sup> 大即空。小不即空。（印順法師，《大智度論筆記》〔E012〕p.307）

「第一義相」者，無有二相。<sup>76</sup>

**(二) 責破**

**1、破有見**

佛語須菩提：「於汝意云何？若菩薩無念行第一義，是行取相法不？」

須菩提言：「不也！世尊！」

何以故？一切法畢竟空，無憶念，即是<sup>77</sup>不行相。

**2、破無見**

佛問須菩提：「是菩薩壞相得無相不？」

須菩提言：「不也！」

相從本已<sup>78</sup>來無，但為除顛倒故，不壞法相。<sup>79</sup>

佛語須菩提：「若不壞相，云何行無相行？」

須菩提言：「世尊！菩薩不作是念：『我當破相故行般若。』」

**(三) 結中道行：以自相空方便不著有無**

**1、正說**

是菩薩未具足佛十力等諸佛法，以方便力故，不作有相、不作無相。

**2、釋因由**

何以故？

**(1) 論主釋**

**A、墮二邊有過失**

若取相，是相皆虛誑妄語，有諸過失；

若破相，則墮斷滅中，亦多過失。

**B、離二邊行中道**

是故不取有相、不取無相。

取相即是有法，不取相即是無法；方便力故，離是有<sup>80</sup>、無二邊，行於中道。<sup>81</sup>

**(2) 引經說：知一切法自性空故，不著有無**

此中佛<sup>82</sup>自說因緣，所謂：「知一切法自性空<sup>83</sup>故，不著有無。」<sup>84</sup>

<sup>75</sup> 二諦：菩薩行第一義。(印順法師，《大智度論筆記》〔E002〕p.286)

<sup>76</sup> 二諦：第一義中無二相。(印順法師，《大智度論筆記》〔E002〕p.286)

<sup>77</sup> 〔是〕—【宋】【元】【明】【宮】。(大正 25, 587d, n.1)

<sup>78</sup> 已=以【聖】。(大正 25, 587d, n.2)

<sup>79</sup> 無相除倒，不壞法相。(印順法師，《大智度論筆記》〔E016〕p.313)

<sup>80</sup> 〔有〕—【宋】【宮】。(大正 25, 587d, n.3)

<sup>81</sup> 取相——取虛妄相故失……………即有

二邊—壞相——墮斷滅中故失……………即無

中，邊—

中道—不取相——畢竟空中無憶念故……………離有

不壞相——相本自無，遣倒言不取，實不壞相……離無

(印順法師，《大智度論筆記》〔B028〕p.168)

自相空破一切法相，亦自破其相。

## 貳、明化他功德無邊

### （壹）總標：菩薩住自相空為成就眾生故入三三昧

菩薩住是自相<sup>85</sup>空中起三三昧，利益眾生。

### （貳）別辨<sup>86</sup>

#### 一、菩薩以無作三昧，斷眾生邪願

眾生於六道中，種種作願受身。

有人不攝心，不能修福，自放恣隨意造業。若墮地獄，臨死時，冷風逼切，則願欲得火，便入地獄等三惡道；若得為人，貧窮下賤。

有人攝心，能折伏慳貪，行布施、持戒等善行，是人生欲界人天中富樂處。

有人離欲界，除五蓋，因信等五根，得五支等諸禪，則生色界。

有人捨諸色相，滅有對相，不念雜<sup>87</sup>相故，入無（587b）邊虛空處無色定等。

是諸所作<sup>88</sup>，皆是邪願。何以故？久久皆當破壞墮落；譬如以繩繫鳥，繩盡復還。

菩薩以是無作三昧斷眾生作願。

#### 二、菩薩以空三昧，斷眾生我、我所心

又復是身皆空，但有筋<sup>89</sup>骨、五藏，血塗、皮裹，不淨充滿，風隨心動作；是心生滅不住，如幻如化，無定實相。眾生見是來去、語言諸相故，謂有人、有我、有所，起顛倒心——但憶想<sup>90</sup>分別故，有是錯謬。

菩薩以空三昧斷眾生我、我所心，令住空中。

#### 三、菩薩以無相三昧，斷眾生取相

又復眾生取諸男、女，色、聲、香、味，好、醜，脩、短相，以取相故，生種種煩惱，受諸憂苦。

菩薩以是無相三昧斷眾生諸相，令住無相。

### （參）釋疑：以空教化眾生便足，何需無相三昧、無作三昧

問曰：若教化眾生令得空便足，何用無相、無作三昧？

答曰：眾生根有利、鈍。

<sup>82</sup> 案：依經，此乃「須菩提」所說。

<sup>83</sup> 案：「自性空」，經作「自相空」。玄奘譯《大般若波羅蜜多經》卷 450〈55 甚深義品〉亦作「自相空」（大正 7，274a4-5）。

<sup>84</sup> 自相空，不著有無。（印順法師，《大智度論筆記》〔E005〕p.294）

<sup>85</sup> 相＝性【石】。（大正 25，587d，n.4）

<sup>86</sup> 三三昧：三三昧次第。（印順法師，《大智度論筆記》〔E003〕p.290）

<sup>87</sup> 雜＝異【聖】【石】。（大正 25，587d，n.5）

<sup>88</sup> 作＝行【石】。（大正 25，587d，n.6）

<sup>89</sup> 筋＝筋【宋】【宮】【石】。（大正 25，587d，n.7）

<sup>90</sup> 想＝念【聖】【石】。（大正 25，587d，n.8）

利根者聞「空」，即得無相、無作；鈍根者聞空破諸法，即取空相——是故說「無相」。

若人雖知空、無相，因是智慧，更欲作身——是有為法，有種種過患，是故不應作身，如經說：「離菩薩身，餘身彈指頃不可樂，何況久住！」<sup>91</sup>是故說「無作」。

以<sup>92</sup>是因緣故，具說三三昧，教化眾生<sup>93</sup>。<sup>94</sup>

---

<sup>91</sup> (1) 出處待考。

(2) 離菩薩身，餘身彈指頃不可樂。(印順法師，《大智度論筆記》〔H001〕p.391)

<sup>92</sup> (是) + 以【宋】【元】【明】【宮】。(大正 25, 587d, n.9)

<sup>93</sup> 生 + (釋第五十六品竟，大智度經卷第七十五)【石】卷第七十五終【石】。(大正 25, 587d, n.10)

<sup>94</sup> 三三昧：我空，無一切相，不作後生。(印順法師，《大智度論筆記》〔E003〕p.290)

〈釋夢中入三昧品第五十八〉<sup>95</sup>

（大正 25，587b21-591a19）

【經】

壹、論夢中起行義

（壹）論夢中行三三昧有益、無益

一、舍利弗問

爾時，舍利弗<sup>96</sup>問須菩提：「若菩薩摩訶薩夢中入三三昧——空、無相、無作三昧，寧有益於般若波羅蜜不？」

二、須菩提以般若正觀離二邊義答

須菩提報<sup>97</sup>舍利弗：「若菩薩晝日入三三昧有益於般若波羅蜜，夜夢中亦當有益。何以故？晝、夜夢中等無異故<sup>98</sup>。舍利弗！若菩薩摩訶薩晝日行般若波羅蜜有益，是菩薩夢中行般若波羅蜜亦應有益。」<sup>99</sup>

（貳）論夢中業集不集成

一、破如夢難

（一）舍利弗難

1、正難

舍利弗問須菩提：「菩薩摩訶薩若夢中所作（587c）業<sup>100</sup>，是<sup>101</sup>業有集成不？」

<sup>95</sup> 卷第七十六首【石】，（大智度論釋夢中入三昧品第五十八）十五字＝（大智度論釋夢行品第五十八）十二字【宋】【元】【宮】但八字下宮本有「品」字，（釋夢行品第五十八）八字【明】，（摩訶般若波羅蜜夢入三昧品第五十七）十六字【聖】，（摩訶般若波羅蜜品第五十七夢入三昧卷七十六）二十字【石】。（大正 25，587d，n.12）

<sup>96</sup> 《大智度論疏》卷 24：

「爾時，舍利弗」已下，就此品中，大有二意：第一、明乘於前品，入三三昧，廣化眾生，則因生論義，齊於夢覺。第二、從「佛告須菩提：有菩薩摩訶薩行檀波羅蜜時」已下竟品，明菩薩之行、淨佛國願。此初即是第一。身子所以此初作此問者，意謂夢是誑法，三昧是實；又有餘處說言：「夢中亦有善惡。」若有善者，夢中行此三昧，亦應集成增益波若。故設此問也。（卍新續藏 46，896c16-22）

<sup>97</sup> 《大智度論疏》卷 24：

「須菩提報」已下，欲論夢中只可得為集業之因，不得集成業報。但善吉意：欲齊夢覺一、是非冥<sup>※1</sup>同、異會<sup>※2</sup>虛<sup>※3</sup>實，故作此報。就實答之：人行波若故，臥夢安穩，身體和悅，乃至夢中亦行善事，利益眾生。今既欲就入實解，故云「無異」也。（卍新續藏 46，896c22-897a2）

※1 冥：11.暗合，默契。（《漢語大詞典》（二），p.448）

※2 會：2.會合，聚會。14.領悟，理解。（《漢語大詞典》（五），p.782）

※3 虛：同虛。《干祿字書·平聲》：“虛”，“虛”的通行體。（《漢語大字典》（四），p.2822）

<sup>98</sup> 〔故〕—【宋】【元】【明】【宮】。（大正 25，587d，n.13）

<sup>99</sup> 《大般若波羅蜜多經》卷 451〈56 夢行品〉：

善現答言：「若菩薩摩訶薩晝時行此三三摩地，於深般若波羅蜜多有增益者，彼夢中行亦有增益。何以故？舍利子！晝與夢中無差別故。舍利子！若菩薩摩訶薩晝行般若波羅蜜多，既名修習甚深般若波羅蜜多，是菩薩摩訶薩夢行般若波羅蜜多，亦名修習甚深般若波羅蜜多三三摩地，於深般若波羅蜜多能為增益應亦如是。」（大正 7，274a29-b7）

<sup>100</sup> 《大智度論疏》卷 24：

「若夢中作業」已下，是第二翻難。善吉既就實答，言：「覺夢一等，若晝行能益，夜行亦



**2、釋難**

如佛說：『一切法如夢。』以是故不應集成。何以故？夢中無有法集成。若覺時憶想<sup>102</sup>分別，應有集成！」<sup>103</sup>

**(二) 須菩提反詰**

須菩提語舍利弗：「若人夢中殺眾生，覺已憶念，取相分別：『我殺是快耶？』舍利弗！是事云何？」<sup>104</sup>

**(三) 舍利弗答**

舍利弗<sup>105</sup>言：「無緣業不生，無緣思不生；有緣業生，有緣思生。」<sup>106</sup>

**(四) 須菩提述成明理****1、印成**

「舍利弗！如是！如是！」<sup>107</sup>無緣業不生，無緣思不生；有緣業生，有緣思生。

**2、述義：由具四緣故夢中業成**

於見聞覺知法中心生，不從不見聞覺知法中心生，是中心有淨有垢。<sup>108</sup>以是故，舍利弗！有緣故業生，不從無緣生；有緣故<sup>109</sup>思生，不從無緣生。」<sup>110</sup>

益故，盡能增益波若；若晝行不益，夜亦不益。」此意云：實相中，晝日行尚無增益，何況夢中行！又晝以有相心行由尚不益，況睡眠覆心行而當有益！當知夢覺一種故。今者身子次更別進設此問。「業」名造作，「集」者招集，4成」者成辦<sup>\*</sup>義；若言爾者，則引佛語為難；夢既不實，應無集成也。(卍新續藏 46, 897a4-10)

※案：「辦」，或作「辦」。

<sup>101</sup> 是=有【聖】，聖本有傍註「是或本」三字。(大正 25, 587d, n.14)

<sup>102</sup> 想=相【聖】。(大正 25, 587d, n.15)

<sup>103</sup> 《大般若波羅蜜多經》卷 451〈56 夢行品〉：

時，舍利子問善現言：「諸菩薩摩訶薩夢中造業為有增益有損減不？佛說有為虛妄不實如夢所造，云何彼業能有增益亦有損減？所以者何？非於夢中所造諸業能有增減，要至覺時憶想分別夢中所造乃有增益或有損減。」(大正 7, 274b7-12)

<sup>104</sup> 《大般若波羅蜜多經》卷 451〈56 夢行品〉：

善現答言：「諸有晝日斷他命已，於夜夢中憶想分別深自慶快；或復有人夢斷他命，謂在覺時生大歡喜，如是二業於意云何？」(大正 7, 274b12-15)

<sup>105</sup> 《大智度論疏》卷 24：

「舍利弗」已下，明身子既被反質，則云「若無因緣時，業不生、思不坐<sup>\*</sup>」者，「業」據身口業，「思」據意業。思、業若無因緣並不生，要須有緣方生。晝日既有思，業等始生；夜夢亦有緣故，思、業等方生，無緣則不生故。當知一種。(卍新續藏 46, 897a12-16)

※案：「坐」或作「生」。

<sup>106</sup> 《大般若波羅蜜多經》卷 451〈56 夢行品〉：

時，舍利子問善現言：「無所緣事，若思若業俱不得生，要有所緣思業方起，夢中思業緣何而生？」(大正 7, 274b15-17)

<sup>107</sup> 《大智度論疏》卷 24：

「如是！如是」已下，明善吉既也反質，得其事理皆同故，而印可之。明晝日業亦因見聞覺知等生，夢中造業亦因此四法生，故無異也。「是中心有淨有垢」者，謂夢中心也。當如論說。(卍新續藏 46, 897a17-20)

<sup>108</sup> 《大般若波羅蜜多經》卷 451〈56 夢行品〉：「何以故？舍利子！要於見聞覺知法中有覺慧轉，由此起染或復起淨；若無見聞覺知，諸法無覺慧轉亦無染淨。」(大正 7, 274b19-21)

<sup>109</sup> 〔故〕—【宋】【元】【明】【宮】。(大正 25, 587d, n.16)

## 二、破空義難

### （一）舍利弗難

舍利弗語須菩提：「如佛說：『一切諸業、諸思自相離<sup>111</sup>。』云何言『有緣故業生，無緣不生；有緣故思生，無緣不<sup>112</sup>生』？」<sup>113</sup>

### （二）須菩提答

須菩提語舍利弗：「取相故，有緣業生<sup>114</sup>，不從無緣生；取相故，有緣思生，不從無緣生。」<sup>115</sup>

## （參）論夢中成不成迴向

### 一、舍利弗難

舍利弗語須菩提：「若菩薩摩訶薩夢中布施、持戒<sup>116</sup>、忍辱、精進、禪定、修智慧，是善根福德迴向阿耨多羅三藐三菩提，是實迴向不？」

### 二、須菩提仰推應問彌勒

須菩提語舍利弗：「彌勒菩薩今現在<sup>117</sup>前，佛授不退轉記，當作佛；當問彌勒，彌勒當答。」

### 三、舍利弗請彌勒答

舍利弗白彌勒菩薩：「須菩提言：『彌勒菩薩今現在<sup>118</sup>前，佛受<sup>119</sup>不退轉記，當作佛；

<sup>110</sup> 《大般若波羅蜜多經》卷 451〈56 夢行品〉：

善現答言：「若夢、若覺無所緣事思業不生，要有所緣思業方起。何以故？舍利子！要於見聞覺知法中有覺慧轉，由此起染或復起淨；若無見聞覺知，諸法無覺慧轉亦無染淨。由此故知若夢、若覺有所緣事思業方生，無所緣事思業不起。」（大正 7，274b17-23）

<sup>111</sup> 《大智度論疏》卷 24：

「諸思息<sup>\*1</sup>相離」已下，是身子第三翻<sup>\*2</sup>難也。當說。（卍新續藏 46，897a21）

※1 案：「息」或作「自」。

※2 翻：同“翻”。《玉篇·飛部》：“翻”亦作翻。（《漢語大字典》（七），p.4514）

<sup>112</sup> （思）+不【宋】【元】【明】【宮】。（大正 25，587d，n.17）

<sup>113</sup> 《大般若波羅蜜多經》卷 451〈56 夢行品〉：

時，舍利子問善現言：「佛說思業皆離自性，云何可言有所緣起？」（大正 7，274b23-24）

<sup>114</sup> 《大智度論疏》卷 24：

「取相故有緣業生」已下，善吉答。意云：欲論一切諸法實自相離，無緣、無業及思等法。但眾生不解，於自相離法中取相故，橫超諸業，從因緣生；若無緣時，則不得生也。（卍新續藏 46，897 a21-24）

<sup>115</sup> 《大般若波羅蜜多經》卷 451〈56 夢行品〉：

善現答言：「雖諸思業及所緣事皆自性空，而由自心取相分別，故說思業有所緣生，若無所緣，思業不起。」（大正 7，274b24-26）

<sup>116</sup> 《大智度論疏》卷 24：

「夢中布施、持戒等」已下，是第四難。意云：上既云「夢中有緣故業生，亦得是思業等」者，菩薩晝日以取相心，行此六波羅蜜等法，尚非實迴向，豈有夢中昏晦癡心行之得是迴向！故設此問耳。若以己自善根迴向者，宜名善根迴向；若緣他家善根等迴向者，名為隨喜迴向也。（卍新續藏 46，897b1-6）

<sup>117</sup> 《大般若波羅蜜多經》卷 451〈56 夢行品〉：

善現報言：「慈氏菩薩久已得受無上菩提不退轉記，唯隔一生定當作佛，善能酬答一切問難，現在此會宜請問之，補處慈尊定應為答。」（大正 7，274c2-5）

<sup>118</sup> 《大智度論疏》卷 24：

「彌勒菩薩今現在」已下，若如前來所說，善吉意氣極高，乃眾聖所伏；而今所以推彌勒者，

彌勒當答！』」

#### 四、彌勒答：諸法性空無別，不見有法可答

彌勒菩薩語舍利弗：「當以彌勒名答耶？若色、受、想、行、識答耶？若色空答耶？若受、想、行、識空答<sup>120</sup>？是色不能答，受、想、行、識不能答；色空不能答，受、想、行、識空不能答。我不見是法可答，不見<sup>121</sup>能答者；我不見是人授<sup>122</sup>記，亦不見法可授記者，亦不見授記處。是一切法皆無二無別。」<sup>123</sup>

#### (肆) 論所證甚深

##### 一、所證亦空無所得

##### (一) 舍利弗問

舍利弗語彌勒菩薩：「如仁者<sup>124</sup>所(588a)說<sup>125</sup>，如是為得法作證不？」<sup>126</sup>

##### (二) 彌勒答

彌勒答舍利弗：「如我所說法，如是不證<sup>127</sup>。」<sup>128</sup>

善吉上既自就實為答夢覺一齊，欲令群聖懸同<sup>\*1</sup>、眾無異說，故推慈氏。二者、彌勒既是次師，欲令現在、未來諸佛所說法相同等故，假四聖<sup>\*2</sup>而慇懃共說，故推彌勒。但論主意，欲顯菩薩智勝故云「以難答故，致推彌勒」也。既亦云「彌勒，授不退記」者，當知不退之名通於上下，故〈畢定品〉中乃大作三分，明畢定位：一者、謂初發心菩薩，二者、無生忍菩薩，三者、最後身菩薩也。彌勒今者復還就實益也。當說。

「受記處」者，謂攘佉王城妙梵梵摩波提所住處也。當說。(卍新續藏 46, 897b6-15)

※1 懸同：遙相符合。(《漢語大詞典》(七)，p.773)

※2 案：「四聖」指佛、彌勒、須菩提、舍利弗。

<sup>119</sup> 受=授【宋】【元】【明】【宮】【聖】【石】。(大正 25, 587d, n.18)

<sup>120</sup> 答+ (耶)【宋】【元】【明】【宮】【聖】。(大正 25, 587d, n.19)

<sup>121</sup> [不見] - 【宋】【宮】【聖】。(大正 25, 587d, n.20)

<sup>122</sup> 授=受【宋】【元】【明】【宮】【聖】【石】。(大正 25, 587d, n.21)

<sup>123</sup> 《大般若波羅蜜多經》卷 451 〈56 夢行品〉：

時，慈氏菩薩語舍利子言：「謂何等名慈氏能答？為色耶？為受、想、行、識耶？為色空耶？為受、想、行、識空耶？且色不能答，受、想、行、識亦不能答；色空不能答，受、想、行、識空亦不能答。何以故？舍利子！我都不見有法能答，我都不見有法所答，答處、答時及由此答亦皆不見；我都不見有法能記，我都不見有法所記，記處、記時及由此記亦皆不見。所以者何？以一切法本性皆空、都無所有、無二無別、畢竟推徵不可得故。」(大正 7, 274c6-15)

<sup>124</sup> 《大智度論疏》卷 24：

「如仁者」已下，既見慈氏說懸應<sup>\*</sup>得深法，致此問也。(卍新續藏 46, 897b16-17)

※懸應：遙應。(《漢語大詞典》(七)，p.782)

遙應：謂遠遠地配合呼應。(《漢語大詞典》(十)，p.1145)

<sup>125</sup> 說=記【宋】【宮】。(大正 25, 588d, n.1)

<sup>126</sup> 《大般若波羅蜜多經》卷 451 〈56 夢行品〉：

爾時具壽舍利子復問慈氏菩薩摩訶薩言：「仁者所證法為如所說不？」(大正 7, 274c16-17)

<sup>127</sup> 《大智度論疏》卷 24：

「不證」已下，明菩薩入法性中，如鳥飛空，跡不可尋；不如二乘於實際作證，有於證處也。」(卍新續藏 46, 897b17-19)

<sup>128</sup> 《大般若波羅蜜多經》卷 451 〈56 夢行品〉：

慈氏菩薩摩訶薩言：「我所證法非如所說。何以故？舍利子！我所證法不可說故。」(大正 7, 274c17-19)

## 二、舍利弗心歎彌勒智深

爾時，舍利弗作是念：「彌勒菩薩智慧甚深，久行<sup>129</sup>檀波羅蜜、尸羅波羅蜜、羼提波羅蜜、毘梨耶波羅蜜、禪波羅蜜、般若波羅蜜，用無所得故，能如是說。」

## 三、佛反責，示雖不見所證法而不生疑

### （一）佛反責

爾時，佛告舍利弗：「於汝意云何？汝用是法得阿羅漢，見是法不？」<sup>130</sup>

### （二）舍利弗答

舍利弗言：「不見也。」

### （三）佛結義

「舍利弗！菩薩摩訶薩行般若波羅蜜亦如是，不作是念：『是法當得授記，是法已授記，是法當得阿耨多羅三藐三菩提。』如是，舍利弗！菩薩摩訶薩行般若波羅蜜，不疑我若得、若不得，自知實得阿耨多羅三藐三菩提。」<sup>131</sup>

## 【論】

### 壹、論夢中起行義

#### （壹）論夢中行三三昧有益、無益

##### 一、舍利弗問

問曰：舍利弗何以故<sup>132</sup>夢難菩薩三三昧？

答曰：以夢虛誑、如狂、非實見故；是三三昧是實法。

又復餘處說：夢中亦有三種——善、不善、無記。若菩薩善心行三三昧，應得福德；然夢是狂癡法，不應於中行實法得果報！若有實法，不名為夢。

以是故問：「若菩薩夢中行三三昧，增益般若波羅蜜福德，集善根，近佛道不？」

##### 二、須菩提以般若正觀離二邊義答

須菩提意<sup>133</sup>：「若言『有益』，夢是虛誑，般若是實法，云何得增益？

若言『無益』，夢中有善，云何無益？」

不得答言『有益』、『無益』，是故須菩提離此二邊難，故以諸法實相答<sup>134</sup>——尚破晝

<sup>129</sup> 久行=久得【聖】。(大正 25, 588d, n.2)

<sup>130</sup> 《大般若波羅蜜多經》卷 451〈56 夢行品〉：

爾時，佛告舍利子言：「於意云何？汝由是法證阿羅漢果，為見此法性是可說不？」(大正 7, 274c22-24)

<sup>131</sup> 《大般若波羅蜜多經》卷 451〈56 夢行品〉：

佛告舍利子：「諸菩薩摩訶薩行深般若波羅蜜多所證法性亦復如是，不可宣說。舍利子！是菩薩摩訶薩不作是念：『我由此法於其無上正等菩提已得受記。』不作是念：『我由此法當證無上正等菩提。』舍利子！是菩薩摩訶薩行深般若波羅蜜多不生猶預：『我於無上正等菩提為得不得？』但作是念：『我於無上正等菩提定當證得。』舍利子！是菩薩摩訶薩行深般若波羅蜜多聞甚深法，其心不驚、不恐、不怖、不沈、不沒、亦不憂悔，決定自知：我當證得所求無上正等菩提，利樂有情窮未來際。」(大正 7, 274c24-275a6)

<sup>132</sup> 故=以【宋】【元】【明】【宮】【石】，〔故〕—【聖】。(大正 25, 588d, n.3)

<sup>133</sup> 《大智度論疏》卷 24：

「須菩提意謂」已下，明實相之中晝行尚無益，何況夢行而當有益！為此義故，所以齊夢覺也。當說。(卍新續藏 46, 897b22-24)

日所行，何況夢中！作是言：「舍利弗！菩薩若晝日行般若有益者，夜亦應有益；而晝日無益故，何況夢中！」何以故<sup>135</sup>？般若波羅蜜，不分別有晝、夜。

### 〔貳〕論夢中業集不集成

#### 一、破如夢難

##### 〔一〕舍利弗難

###### 1、正難

舍利弗聞須菩提所說，既知般若無增無減<sup>136</sup>，不應復難。今更因餘事問<sup>137</sup>夢中：「須菩提！若夢中所作業，是業<sup>138</sup>有集成不？」(588b)

「集成」<sup>139</sup>者，是業實集能成果報不？

###### 2、釋難

是業若有實，佛常說「一切法空如夢」，不應得集成！何以故？是夢心微弱故，不能集成。晝日微弱心，尚不能集成，何況夢中！若夢<sup>140</sup>覺已<sup>141</sup>，分別夢中生善、不善心，是應集成。

##### 〔二〕須菩提反問

須菩提語舍利弗：「如人夢中殺人，覺已，分別『我<sup>142</sup>殺是快耶』？舍利弗！是業云何，為集成不？」

##### 〔三〕舍利弗答

舍利弗語須菩提：「一切業若晝、若夢皆從因緣生，無因緣則不生。」

##### 〔四〕須菩提述成明理

###### 1、印成

須菩提可其言：「如是！業有因緣生、無因緣不生，思有因緣生、無因緣不生。」

<sup>134</sup> 答=益【宋】【元】【明】【宮】。(大正 25, 588d, n.4)

<sup>135</sup> 《大智度論疏》卷 24：

「何以故」已下，還釋上所以齊夢覺義。波若中既無分別，汝云何乃以夢覺為問，欲令波若增益也。(卍新續藏 46, 897b24-c2)

<sup>136</sup> 減=咸【聖】。(大正 25, 588d, n.5)

<sup>137</sup> 《大智度論疏》卷 24：

「今更因餘事問」已下，釋上身子第二問意。明善吉既齊覺夢，事理皆同意，今更因餘處經說夢中有三性等事，故發斯問也。當一一說。(卍新續藏 46, 897c3-5)

<sup>138</sup> [是業] - 【宮】【聖】。(大正 25, 588d, n.6)

<sup>139</sup> [不集成] - 【元】【明】【宮】【聖】。(大正 25, 588d, n.7)

<sup>140</sup> [夢] - 【宋】【元】【明】【宮】。(大正 25, 588d, n.8)

<sup>141</sup> 《大智度論疏》卷 24：

「若覺已」下：明夢中心弱，眠覆心故，不能集成果報，故律中云「除夢中」。但夢覺已，憶想分別夢中諸事思生，始可成業得果。今善吉上意欲為入實由漸，又欲明夢事亦是成思業善惡因緣，故作此說，非是夢中能怜\*怜成業得果，故此中言「覺已分別」。

次下文言「無有勢力，不能集成果報」，善惡業要須從強功用心生也。當說。

云「餘處言夢有善惡等」者，恐當據善惡因緣為語耳，故論云「覺已分別方乃成業」也。當說。(卍新續藏 46, 897c5-11)

※怜：《玉篇·心部》：“怜，心了也。或從靈。”(《漢語大字典》(四)，p.2287)

<sup>142</sup> [我] - 【宋】【宮】。(大正 25, 588d, n.9)

「業」者，身口業；「思」者，但意業。「思」是真業，身口業為思故名為「業」。<sup>143</sup>

### 2、述義：由具四緣故夢中業成

是三業因四種法：若見、若聞、若覺、若知<sup>144</sup>——因此四種則心生；是心隨因緣生，或淨、或不淨——不淨，罪業；淨，福業。是故若夢中所見，皆因先見、聞、覺、知。

夢中所作善惡，為眠覆心、不自在故，無有勢力，不能集成果報；若是業得覺時，善惡心和合故，能助成果報。

須菩提意謂：「夢中業實有集成。何以故<sup>145</sup>？有因緣起故。晝日心、夢中心無異。所以者何？皆因四種生故。」

### 二、破空義難

#### （一）舍利弗以空義難

舍利弗以空難<sup>146</sup>須菩提：「如佛說：『一切諸業自相離。』汝云何定說『諸<sup>147</sup>業有因緣生，無因緣不生』？」

#### （二）須菩提依因緣答

須菩提答：「諸法雖空、遠離相，而凡夫取相，有因<sup>148</sup>緣故業生；若不取相，無因緣則不生。是故一切業皆從取相因緣生故有，晝日、夢中無異。」<sup>149</sup>

### （參）論夢中成不成迴向

#### 一、舍利弗以有所得難

舍利弗復問：「若菩薩夢中行六波羅蜜<sup>150</sup>，迴向無上道，是實迴向不？」

舍利弗難：「若夢中、晝日無異者，是夢中迴向應當是實！又復若晝日著心取相，不名為迴向，何（588c）況眠睡覆心！」

#### 二、須菩提仰推應問彌勒

須菩提以此二難深，難答故，語舍利弗：「當問彌勒。」

#### 三、彌勒答：諸法性空無別，不見有法可答

問曰：彌勒何以但說空而不答？

答曰：是二大弟子為利益菩薩故，分別覺、夢若同、若異。

以佛常說「一切法如夢」故，若晝日行道，夢中亦應行道。

<sup>143</sup> 三業。（印順法師，《大智度論筆記》〔E016〕p.313）

<sup>144</sup> 若覺若知=若知若覺【聖】。（大正 25，588d，n.10）

<sup>145</sup> 《大智度論疏》卷 24：「何以故」已下，釋善吉言夢覺心等義。既俱從因緣生，故云「無異」也。（卍新續藏 46，897b24-c2）

<sup>146</sup> 《大智度論疏》卷 24：

「舍利弗以空難」已下，次釋第三難文也。當說。（卍新續藏 46，897c14-15）

<sup>147</sup> 〔諸〕—【聖】。（大正 25，588d，n.11）

<sup>148</sup> 〔因〕—【宋】【元】【明】【宮】。（大正 25，588d，n.12）

<sup>149</sup> 夢覺一如：取相為緣，夢覺無異。（印順法師，《大智度論筆記》〔E016〕p.313）

<sup>150</sup> 《大智度論疏》卷 24：

「復問：若菩薩夢中行六波羅蜜」已下，釋上第四難意也。當說。今此中，以晝日著相心、眠睡覆心為難也。（卍新續藏 46，897c15-17）

彌勒知見<sup>151</sup>二人各有所執、不能通達故<sup>152</sup>，是故彌勒不答。

復有人言：彌勒以是空答。

#### 〔肆〕論所證甚深

##### 一、所證亦空無得

###### （一）舍利弗問

舍利弗問彌勒：「如所說空，以此為證不？」

舍利弗意：「若以此法為證，即欲生<sup>153</sup>難：『云何為證？』

若不證，汝自不<sup>154</sup>得、不知，云何能說？」

###### （二）彌勒答

彌勒意：「汝以涅槃為證，我以涅槃亦空、無所得故不證。」<sup>155</sup>

有人言：彌勒未具足佛法故，說言「不證」；菩薩法，應知空、無相、無作法，不應證。

##### 二、舍利弗心歎彌勒智深

###### （一）歎智深

爾時，舍利弗作是念：「彌勒菩薩其智甚深，能如是說。」

###### （二）釋因由

###### 1、論主釋

能知涅槃相而不取證，是名「甚深」。

###### 2、引經說

此中舍利弗自說因緣：「久行六波羅蜜故，其智甚深。」

舍利弗意：「彌勒次當作佛，應當能答而今不答。」

##### 三、佛反責，示雖不見所證法而不生疑

###### （一）佛反責：見所證法性否

是故佛還問<sup>156</sup>舍利弗：「於汝意云何？汝見用是法得阿羅漢不？」

###### （二）舍利弗答：法空無相故無所見

舍利弗言：「不見。」

何以故？是法空、無相、無作，云何得見？若見，即是有相。

肉眼、天眼分別取相，故不應見；慧眼無分別相，故亦不見。以是故言「不見」。

<sup>151</sup> 〔見〕－【聖】。(大正 25, 588d, n.13)

<sup>152</sup> 〔故〕－【宋】【元】【明】【宮】。(大正 25, 588d, n.14)

<sup>153</sup> 生＝此【宮】。(大正 25, 588d, n.15)

<sup>154</sup> 不＝云【宋】。(大正 25, 588d, n.16)

<sup>155</sup> (1) 菩薩不取涅槃：涅槃空故。(印順法師，《大智度論筆記》〔E006〕p.296)

(2) 所說不如所證。(印順法師，《大智度論筆記》〔E015〕p.312)

<sup>156</sup> 《大智度論疏》卷 24：

「是故佛還問」已下，釋上佛告身子中文也。當說。聲聞不得法眼，故不論也。並當說。(卍新續藏 46, 897c19-20)

**（三）佛結義：菩薩得無生法忍，雖不見所證法而不生疑**

佛言：「菩薩摩訶薩亦如是，得無生忍時，不作是言：『見是法，得授記，當得無上道。』雖不作是見，亦不生疑：『我不得無上道。』如汝雖不見法，亦不疑：『我成阿羅漢、不成阿羅漢。』」

**【經】**

**貳、為眾生起淨佛土願**

**（壹）別行六度之願**

**一、布施願**

佛告須菩提<sup>157</sup>：「有菩薩摩訶薩行檀波羅蜜時，若見眾生飢寒凍餓、衣服弊壞，菩薩當作（589a）是願：『我隨爾所時行檀波羅蜜，我得阿耨多羅三藐三菩提時，令我國土眾生無如是事。衣服、飲食、資生之具，當如四天王天、三十三天、夜摩天、兜率陀天、化樂天、他化自在天。』須菩提！菩薩摩訶薩作如是行，能具足檀波羅蜜、近阿耨多羅三藐三菩提。」

**二、持戒願**

復次，須菩提！菩薩摩訶薩行尸羅波羅蜜時，見眾生殺生乃至邪見，短壽、多病、顏色不好、無有威德、貧乏財物、生下賤家、形殘醜陋，當作是願：『我隨爾所時<sup>158</sup>行尸羅波羅蜜，如我得佛時，令我國土眾生無如是事。』須菩提！菩薩摩訶薩作如是行，能具足尸羅波羅蜜、近阿耨多羅三藐三菩提。」

**三、忍辱願**

復次，須菩提！菩薩摩訶薩行羼提波羅蜜時，見諸眾生互相瞋恚罵詈、刀杖瓦石共相殘害奪命，當作是願：『我隨爾所時行羼提波羅蜜，我作佛時<sup>159</sup>，令我國土眾生無如是事。相視如父、如母、如兄、如弟、如姊、如妹、如善知識，皆行慈悲。』須菩提！菩薩摩訶薩作如是行，能具足羼提波羅蜜、近阿耨多羅三藐三菩提。」

**四、精進願**

復次，須菩提！菩薩摩訶薩行毘梨耶波羅蜜時，見眾生懈怠、不勤精進<sup>160</sup>、棄捨三乘——聲聞、辟支佛、佛乘，當作是願：『我隨爾所時行毘梨耶波羅蜜，如我得阿耨多羅三藐三菩提時，令我國土眾生無如是事。一切眾生勤修精進，於三乘道各得度脫。』須菩提！菩薩摩訶薩作如是行，能具足毘梨耶波羅蜜、近阿耨多羅三藐三菩提。」

<sup>157</sup> 《大智度論疏》卷 24：

「佛告須菩提」已下，品之第二，明菩薩之行淨佛國願。就此文中有三十復次。就此三十復次中，復有三意：第一、有六復次明菩薩一一波羅蜜中各興其願，故名別行、別願。二、從第七復次已下，有二十三復次明菩薩總行六波羅蜜，興淨佛國願，名為總行、總願。論釋云「上六波羅蜜中明其別行、別願」者，明一因滅<sup>\*</sup>一果。第二、總行、總願中，明多因感多果，亦明一因感多果等義。三者、第三十復次明教菩薩觀行。今此初即是第一，先就因於檀波羅蜜為始興淨土行願也。當說。「無如是事」等者，明其所無。「衣服、飲食」已下，明其所有，一一波羅蜜中意盡然也。（卍新續藏 46，897c21-898a6）

※案：「滅」或作「感」。

<sup>158</sup> 所時=時所【聖】。（大正 25，589d，n.1）

<sup>159</sup> 〔我作佛時〕—【宋】【元】【明】【宮】。（大正 25，589d，n.2）

<sup>160</sup> 進=集【聖】。（大正 25，589d，n.3）



**五、禪定願**

復次，須菩提！菩薩摩訶薩行禪波羅蜜時，見眾生為五蓋所覆——婬欲、瞋恚、睡眠、掉悔、疑，失於初禪乃至第(589b)四禪，失慈、悲、喜、捨、虛空處、識處、無所有處、非有想非無想處，當作是願：『我隨爾所時行禪波羅蜜，如我得阿耨多羅三藐三菩提時，令我國土<sup>161</sup>眾生無如是事。』須菩提！菩薩摩訶薩作如是行，能具足禪波羅蜜、近阿耨多羅三藐三菩提。

**六、般若願**

復次，須菩提！菩薩摩訶薩行般若波羅蜜時，見眾生愚癡，失世間、出世間正見——或說無業<sup>162</sup>、無業因緣，或說神常、或說斷滅，或說無所有，當作是願：『我隨爾所時<sup>163</sup>行般若波羅蜜，淨佛世界<sup>164</sup>、成就眾生，如我得阿耨多羅三藐三菩提時，令我國土眾生無如是事。』須菩提！菩薩摩訶薩作如是行，能具足般若波羅蜜、近一切種智。<sup>165</sup>

**(貳) 總行六度之願****一、無邪聚願**

復次，須菩提！菩薩摩訶薩行六波羅蜜時，見眾生住於三聚<sup>166</sup>：一者、必正聚，二者、必邪<sup>167</sup>聚，三者、不定聚，<sup>168</sup>當作是願：『我隨爾所時行六波羅蜜，淨佛世界、成就眾生，我得佛時，令我國土眾生無<sup>169</sup>邪聚，乃至無其名。』須菩提！菩薩摩訶薩作如

<sup>161</sup> 土+ (中)【聖】。(大正 25, 589d, n.4)

<sup>162</sup> 業=常【宋】。(大正 25, 589d, n.5)

<sup>163</sup> 所時=時所【宋】【宮】。(大正 25, 589d, n.6)

<sup>164</sup> 世界=國土【聖】【石】。(大正 25, 589d, n.7)

<sup>165</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩修行般若波羅蜜多，見諸有情愚癡惡慧，於世、出世正見俱失，撥無善惡業及業果，執斷、執常、執一、執異俱不俱等種種邪法。見此事已作是思惟：「我當云何拔濟如是諸有情類，令其遠離惡見邪執？」既思惟已作是願言：「我當精勤無所顧戀，修行般若波羅蜜多，成熟有情、嚴淨佛土，令速圓滿疾證無上正等菩提，我佛土中得無如是惡慧邪執諸有情類，一切有情成就正見，種種妙慧具足莊嚴。」善現！是菩薩摩訶薩由此般若波羅蜜多，速得圓滿疾證無上正等菩提。(大正 7, 275c5-16)

<sup>166</sup> 《大智度論疏》卷 24：

「復次，須菩提！菩薩摩訶薩行六波羅蜜時，見眾生往<sup>\*</sup>於三聚」已下第二。從此已去，有二十三復次，明總行、總願，多因感多果、一因感多果等義。此中既不一一別明諸波羅蜜，但總言六波羅蜜，一切諸善盡入六波羅蜜中。下頭「復次」，明種種果報，故是多因感多果；如一檀波羅蜜亦能得端正、富貴、長壽等義，則是一因感多果義。前時不說，今於此中乃明，故云「爾」也。(卍新續藏 46, 898a22-b4)

※案：「往」應作「住」。

<sup>167</sup> 必邪=畢耶【聖】。(大正 25, 589d, n.8)

<sup>168</sup> (1)《長阿含經》卷 8 (9 經)《眾集經》：「復有三法，謂三聚：正定聚、邪定聚、不定聚。」(大正 1, 50b18-19)

(2)《大智度論》卷 45〈13 摩訶薩品〉：「眾生有三分：一者、正定，必入涅槃；二者、邪定，必入惡道；三者、不定。」(大正 25, 383a28-b1)

(3) 正定——必入涅槃  
眾生有三分┆邪定——必入惡道  
┆不定

(印順法師，《大智度論筆記》[B010] p.124)

<sup>169</sup> 無+ (定)【聖】【石】。(大正 25, 589d, n.9)

是行，能具足六波羅蜜、近一切種智。<sup>170</sup>

## 二、無惡道願

復次，須菩提！菩薩摩訶薩行六波羅蜜時，見地獄中眾生，畜生、餓鬼中眾生，當作是願：『我隨爾所時行六波羅蜜，淨佛世界、成就眾生，我得佛時，令我國土中乃至無三惡道名！』須菩提！菩薩摩訶薩作如是行，能具足六波羅蜜<sup>171</sup>、近一切種智。

## 三、國土平正願

復次，須菩提！菩薩摩訶薩行六波羅蜜時，見是大地株<sup>172</sup>杙<sup>173</sup>、荊棘、山陵、溝坑、穢惡之處，當作是願：『我隨爾所時行六波羅蜜，淨佛世界、成就眾生，我作佛時，令我國土無如是惡，地（589c）平如掌。』須菩提！菩薩摩訶薩作如是行，能具足六波羅蜜、近一切種智。

## 四、金沙布地願

復次，須菩提！菩薩摩訶薩行六波羅蜜時，見是大地純土，無有金銀珍寶，當作是願：『我隨爾所時行六波羅蜜，淨佛世界、成就眾生，我作佛時，令我國土以金沙布地。』須菩提！菩薩摩訶薩作如是行，能具足六波羅蜜、近一切種智。

## 五、眾生無著願

復次，須菩提！菩薩摩訶薩行六波羅蜜時，見眾生有所戀著，當作是願：『我隨爾所時行六波羅蜜，淨佛世界、成就眾生，我作佛時，令我國土眾生無所戀著。』須菩提！菩薩摩訶薩作如是行，能具足六波羅蜜、近阿耨多羅三藐三菩提。

## 六、四姓無別願

復次，須菩提！菩薩摩訶薩行六波羅蜜時，見四姓眾生——剎帝利、婆羅門、鞞舍、首<sup>174</sup>陀羅，當作是願：『我隨爾所時行六波羅蜜，淨佛世界、成就眾生，我作佛時，令我國土眾生無四姓之名。』須菩提！菩薩摩訶薩作如是行，能具足六波羅蜜、近阿耨多羅三藐三菩提。

## 七、家無優劣願

復次，須菩提！菩薩摩訶薩行六波羅蜜時，見眾生有下、中、上，生<sup>175</sup>下、中、上家，當作是願：『我隨爾所時行六波羅蜜，淨佛世界、成就眾生，我作佛時，令我國土眾生無如是優劣。』須菩提！菩薩摩訶薩作如是行，能具足六波羅蜜，近（590a）一切

<sup>170</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情三聚差別。見此事已作是思惟：「我當云何方便濟拔諸有情類，令離邪定及不定聚？」既思惟已作是願言：「我當精勤無所願戀，修行六種波羅蜜多，成熟有情、嚴淨佛土，令速圓滿，疾證無上正等菩提，我佛土中得無邪定及不定名，一切有情皆住正定。」善現！是菩薩摩訶薩由此六種波羅蜜多速得圓滿，疾能證得一切智智。（大正 7，275c17-25）

<sup>171</sup> 蜜 +（疾）【聖】【石】。（大正 25，589d，n.10）

<sup>172</sup> 株（ㄅㄨㄛˊ）：1.露在地面上的樹根、樹幹或樹樁。（《漢語大詞典》（四），p.975）

<sup>173</sup> 杙（ㄩㄝˋ）：2.樹木沒有枝丫。3.指樹木斫伐後剩下的樁子。（《漢語大詞典》（四），p.773）

<sup>174</sup> 〔首〕—【宋】【宮】。（大正 25，589d，n.12）

<sup>175</sup> 〔生〕—【聖】【石】。（大正 25，589d，n.13）

種智。<sup>176</sup>

#### 八、妙色成就願

復次，須菩提！菩薩摩訶薩行六波羅蜜時，見眾生種種別異色<sup>177</sup>，當作是願：『我隨爾所時行六波羅蜜，淨佛世界、成就眾生，我作佛時，令我國土眾生無種種別異色，一切眾生皆端政<sup>178</sup>淨潔，妙色成就。』<sup>179</sup>須菩提！菩薩摩訶薩作如是行，能具足六波羅蜜，近一切種智。

#### 九、眾生無主願

復次，須菩提！菩薩摩訶薩行六波羅蜜時，見眾生有主，當作是願：『我隨爾所時行六波羅蜜，淨佛世界、成就眾生，我作佛時，令我國土眾生無有主名，乃至無其<sup>180</sup>形像——除佛法王。』<sup>181</sup>須菩提！菩薩摩訶薩作如是行，能具足六波羅蜜，近一切種智。

#### 十、同修聖道願

復次，須菩提！菩薩摩訶薩行六波羅蜜時，見眾生有六<sup>182</sup>道別異，當作是願：『我隨爾所時行六波羅蜜，淨佛世界、成就眾生，我作佛時，令我國土眾生無六道之名——是地獄，是畜生，是餓鬼，是神，是天，是人；一切眾生皆同一業——修四念處乃至八聖道分。』須菩提！菩薩摩訶薩作如是行，能具足六波羅蜜<sup>183</sup>，近一切種智。<sup>184</sup>

<sup>176</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情有下、中、上家族差別。見此事已作是思惟：「我當云何方便濟拔諸有情類，令無如是下、中、上品家族差別？」既思惟已作是願言：「我當精勤無所顧戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中得無如是下、中、上品家族差別，一切有情皆同上品。」善現！是菩薩摩訶薩由此六種波羅蜜多速得圓滿，疾能證得一切智智。（大正 7，276b19-28）

<sup>177</sup> 《大智度論疏》卷 24：

「見眾生種種異色」已下，明菩薩願淨土中，純一淨業所感，無此雜報也。當說。（卍新續藏 46，899a23-24）

<sup>178</sup> 政=正【宋】【元】【明】。（大正 25，589d，n.14）

<sup>179</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情端正醜陋形色差別。見此事已作是思惟：「我當云何方便濟拔諸有情類，令無如是端正醜陋形色差別？」既思惟已作是願言：「我當精勤無所顧戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中得無如是端正醜陋形色差別諸有情類，一切有情皆真金色，端嚴殊妙眾所樂見，成就第一圓滿淨色。」（大正 7，276b28-c8）

<sup>180</sup> 其=異【元】【明】。（大正 25，590d，n.1）

<sup>181</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情繫屬主宰，諸有所作不得自在。見此事已作是思惟：「我當云何方便濟拔諸有情類令得自在？」既思惟已作是願言：「我當精勤無所顧戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中諸有情類得無主宰，諸有所作皆得自在，乃至不見主宰形像，亦復不聞主宰名字，唯有如來、應、正等覺，以法統攝名為法王。」（大正 7，276c10-19）

<sup>182</sup> 六=五【宮】。（大正 25，590d，n.2）

<sup>183</sup> 蜜+（疾）【宋】【元】【明】【宮】。（大正 25，590d，n.3）

<sup>184</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情有地獄等諸趣差別。見此事已作是

### 十一、等一化生願

復次，須菩提！菩薩摩訶薩行六波羅蜜時，見眾生有四生——卵生、胎生、濕生、化生，當作是願：『我隨爾所時行六波羅蜜，淨佛世界、成就眾生，我作佛時，令我國土眾生無三種生，等一化生。』<sup>185</sup>須菩提！菩薩摩訶薩作如是行，能具足六波羅蜜，近一切種智。

### 十二、皆得五神通願

復次，須菩提！菩薩摩訶薩行六波羅蜜時，見眾生無五神通，當作是願：『我隨爾所時行六波羅蜜，淨佛世界、成就眾生，我作佛時，令我國土眾生一切<sup>186</sup>皆得五神<sup>187</sup>通。』<sup>188</sup>——乃至近一切種智。

### 十三、無便利患願

復次，須菩提！菩薩摩訶薩行六波羅蜜時，見眾生有大小便患，當作是願：『我作佛時，令我國土眾生皆以法<sup>189</sup>喜為食，無有便利之患。』<sup>190</sup>——乃至近一切種智。

---

思惟：「我當云何濟拔如是諸有情類，令無善惡諸趣差別？」既思惟已作是願言：「我當精勤無所願戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中得無善惡諸趣差別，乃至無有地獄、傍生、鬼界、阿素洛、人、天名字，一切有情皆同一類等修一業，謂皆和合修行布施乃至般若波羅蜜多，安住內空乃至無性自性空，安住真如乃至不思議界，安住苦、集、滅、道聖諦，修行四念住乃至八聖道支，修行四靜慮、四無量、四無色定，修行八解脫、八勝處、九次第定、十遍處，修行空、無相、無願解脫門，修行陀羅尼門、三摩地門，修行五眼、六神通，修行佛十力乃至十八不共法，修行無忘失法、恒住捨性，修行一切智、道相智、一切相智，修行菩薩摩訶薩行及佛無上正等菩提。」善現！是菩薩摩訶薩由此六種波羅蜜多速得圓滿，疾能證得一切智智。（大正 7，276c20-277a11）

<sup>185</sup> 《大智度論疏》卷 24：「胎生多患，故願化生也。當說。」（卍新續藏 46，899b12）

<sup>186</sup> [一切] — 【聖】。（大正 25，590d，n.4）

<sup>187</sup> [神] — 【聖】。（大正 25，590d，n.5）

<sup>188</sup> 《大智度論疏》卷 24：「若如此中經文者，生淨土眾生亦似報得五通；五通通凡聖也。當說。」（卍新續藏 46，899b12-13）

<sup>189</sup> 法 = 歡【宋】【元】【明】【宮】。（大正 25，590d，n.6）

<sup>190</sup> (1) 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情受用段食，身有種種大小便利，膿血臭穢甚可厭捨。見此事已作是思惟：「我當云何濟拔如是受用段食諸有情類，令其身中無諸便穢？」既思惟已作是願言：「我當精勤無所願戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中諸有情類，唯同受用妙法喜食，一切皆似極光淨天，內外身支無諸雜穢。」（大正 7，277a29-b9）

(2) 《大智度論疏》卷 24：「諸欲天等雖復皆有揣食，而皆消化去，無大小便利，不同人五藏<sup>\*1</sup>六府<sup>\*2</sup>更相業<sup>\*3</sup>節<sup>\*4</sup>、大小便利分口流出也。當說。」（卍新續藏 46，899b13-15）

※1 五藏：1.亦作“五臧”。即五臟。指心、肝、脾、肺、腎。中醫謂“五臟”有藏精氣而不瀉的功能，故名。（《漢語大詞典》（一），p.390）

※2 六府：3.即六腑。（《漢語大詞典》（二），p.35）

六腑：指胃、膽、三焦、膀胱、大腸、小腸。（《漢語大詞典》（二），p.46）

※3 業：13.依次，次序。（《漢語大詞典》（四），p.1166）

※4 節：4.事物的一端為一節。（《漢語大詞典》（八），p.1172）

**十四、身具光明願**

復次，須菩提！菩薩摩訶薩行六波羅蜜時，見眾生無有光明<sup>191</sup>，當作是願：『我作佛時<sup>192</sup>，令我（590b）國土眾生皆有光明。』<sup>193</sup>——乃至近一切種智。

**十五、無有歲節願**

復次，須菩提！菩薩摩訶薩行六波羅蜜時，見有日月<sup>194</sup>、時節<sup>195</sup>、歲數，當作是願：『我作佛時，令我國土中無有日月、時節、歲數之名。』<sup>196</sup>——乃至近一切種智。

**十六、壽命無量願**

復次，須菩提！菩薩摩訶薩行六波羅蜜時，見眾生短命，當作是願：『我作佛時，令我國土中眾生壽命無量劫。』——乃至近一切種智。

**十七、相好成就願**

復次，須菩提！菩薩摩訶薩行六波羅蜜時，見眾生無有相好，當作是願：『我作佛時，令我國土中眾生皆有三十二相成就。』——乃至近一切種智。

**十八、善根成就願**

復次，須菩提！菩薩摩訶薩行六波羅蜜時，見眾生離諸善根<sup>197</sup>，當作是願<sup>198</sup>：『我作佛時，令我國土中眾生諸善根成就，以是福德<sup>199</sup>，供養諸佛。』<sup>200</sup>——乃至近一切種

<sup>191</sup> 《大智度論疏》卷 24：

「無有光明」已下，菩薩教化眾生施諸燈燭，故生淨土有如是報也。（已新續藏 46, 899b16-17）

<sup>192</sup> 〔我作佛時〕—【宋】【元】【明】【宮】【聖】。（大正 25, 590d, n.7）

<sup>193</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情身無光明，諸有所作須求外照。見此事已作是思惟：「我當云何方便濟拔諸有情類，令離如是無光明身？」既思惟已作是願言：「我當精勤無所願戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中諸有情類，身具光明不假外照。」（大正 7, 277b11-18）

<sup>194</sup> 《大智度論疏》卷 24：

「見有日月」已下，菩薩見諸眾生夏熱、冬寒共不調適故，願無時節；令諸眾生自有光明，故不須日月也。一解云：無有時節日月歲數，故云「無日月」也。（已新續藏 46, 899b17-20）

<sup>195</sup> 時節：2.節令，季節。（《漢語大詞典》（五），p.703）

<sup>196</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情所居之土，有晝、有夜、有月、半月，時節歲數轉變非恒。見此事已作是思惟：「我當云何濟拔如是諸有情類，令所居處無晝夜等時節變易？」既思惟已作是願言：「我當精勤無所願戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中得無晝夜月半月等時節之名。」（大正 7, 277b19-27）

<sup>197</sup> 《大智度論疏》卷 24：

「離諸善根」已下，謂無貪瞋癡等三種善根也。（已新續藏 46, 899b20）

<sup>198</sup> 〔願〕—【石】。（大正 25, 590d, n.8）

<sup>199</sup> 德+（能）【元】【明】。（大正 25, 590d, n.9）

<sup>200</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見有情類離諸善根。見此事已作是思惟：「我當云何濟拔如是諸有情類令具善根？」既思惟已作是願言：「我當精勤無所願戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中諸有情類，一切成就勝妙善根；由此善根，能辦種種上妙供具供養諸佛，乘此福力隨所生處，復能供養諸佛世尊。」（大正 7, 277c17-25）

智。

### 十九、無惑業苦願

復次，須菩提！菩薩摩訶薩行六波羅蜜時，見眾生有三毒<sup>201</sup>、四病，當作是願：『我作佛時，令我國土中<sup>202</sup>眾生無四種病——冷、熱、風病、三種雜病，及三毒病。』<sup>203</sup>——乃至近一切種智。

### 二十、純一大乘願

復次，須菩提！菩薩摩訶薩行六波羅蜜時，見眾生有三乘，當作是願：『我作佛時，令我國土中眾生無二乘之名，純一大乘<sup>204</sup>。』<sup>205</sup>——乃至近一切種智。

### 二一、無增上慢願

復次，須菩提！菩薩摩訶薩行六波羅蜜時，見眾生有增上慢，當作是願：『我作佛時，令我國土中眾生無增上慢之名。』——乃至近一切種智。

### 二二、光明、壽命、僧數無量願

復次，須菩提！菩薩摩訶薩行六波羅蜜時，應作是願：『若我光明、壽命有量，僧數有限，當作是願：「我行六波羅蜜，淨佛世界、成就眾生，我作佛時，令我光明、壽命無量，僧數無限。」』——乃至近一切種智。

### 二三、國土無量願

復次，須菩提！菩薩摩訶薩行六波羅蜜時，應作（590c）是願：『若我國土有量，當作

<sup>201</sup> 《大智度論疏》卷 24：

「見眾生有三毒」已下，菩薩見眾生心有耶三毒病，身有風、冷、熱、雜四患故，菩薩淨土，願令無此身、心兩病。欲論一切眾生皆有三毒，而今云無者，如前論釋云：無有耶見所帶三毒，非無直爾瞋貪等也。師言：若三乘淨土，多唯有此一聚；若一乘淨國，多有二聚。以輕毛菩薩<sup>\*</sup>能發大心故，所以然也。（卍新續藏 46，899b21-c2）

※案：「輕毛菩薩」，參見《佛說仁王般若波羅蜜經》卷 2〈7 受持品〉：「善男子！習忍以前行十善菩薩，有退有進，譬如輕毛，隨風東西。」（大正 8，831b7-8）

<sup>202</sup> 〔中〕—【聖】。（大正 25，590d，n.10）

<sup>203</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情具身心病。身病有四，謂風、熱、痰、及諸雜病。心病亦四，謂貪、瞋、癡、及慢等病。見此事已作是思惟：「我當云何濟拔如是身心病苦諸有情類？」既思惟已作是願言：「我當精勤無所顧戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中諸有情類，身心清淨無諸病苦乃至無有身心病名。」（大正 7，277c27-278a6）

<sup>204</sup> 《大智度論疏》卷 24：

「純一大乘」已下，如《佛昇忉利天經》<sup>\*</sup>說：東方有國，純七寶界，其中皆是諸大菩薩，佛壽七百萬億阿僧祇，亦是釋迦所化也。（卍新續藏 46，899c2-4）

※案：《佛昇忉利天經》，參見《大智度論》卷 32〈1 序品〉所引《三十三天品經》（大正 25，302b16-c5）。

<sup>205</sup> （1）《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情種種意樂三乘差別。見此事已作是思惟：「我當云何方便濟拔諸有情類，令其棄捨二乘意樂，唯令樂趣無上大乘？」既思惟已作是願言：「我當精勤無所顧戀，修行六種波羅蜜多，成熟有情、嚴淨佛土，令速圓滿，疾證無上正等菩提。我佛土中諸有情類，唯求無上正等菩提，不樂聲聞、獨覺乘果，乃至無有二乘之名。」（大正 7，278a8-16）

（2）一乘，三乘：無二乘，純大乘，名一乘。（印順法師，《大智度論筆記》〔E015〕p.312）

是願：「我隨爾所時行六波羅蜜，淨佛世界、成就眾生，我作佛時，令我一國土如恒河沙等諸佛世界。」』須菩提！菩薩摩訶薩作如是行，能具足六波羅蜜，近一切種智。

### 【參】教菩薩正觀，不生疲厭

復次，須菩提！菩薩摩訶薩行六波羅蜜時，當作是念：『雖生死道長<sup>206</sup>、眾生性多，爾時應如是正<sup>207</sup>憶念——生死<sup>208</sup>邊如虛空，眾生性<sup>209</sup>邊亦如虛空，是中實無生死往來，亦無解脫者。』<sup>210</sup>菩薩摩訶薩作如是行，能具足六波羅蜜，近一切種智。』<sup>211</sup>

## 【論】

### 貳、為眾生起淨佛土願

#### （壹）辨說教次第——為無生忍菩薩說淨土行願

問曰：有何次第<sup>212</sup>故說「菩薩見眾生饑寒凍餓」等？

答曰：菩薩過聲聞、辟支佛地，得無生法忍、授記，更無餘事，唯行淨佛世界、成就眾生。<sup>213</sup>

今說淨佛世界因緣——見不淨世界相，願我國土無如是事。是<sup>214</sup>故次第說是事。

#### （貳）釋別行六度、總行六度之願

##### 一、布施願

##### （一）明行化

菩薩行檀波羅蜜時，若見眾生飢渴、衣服弊壞，即作念言：「我今<sup>215</sup>福德、智慧未成就，不能給足眾生所須；若我但行慈悲心，則<sup>216</sup>於眾生無益。我當爾所時深行三種

<sup>206</sup> 《大智度論疏》卷 24：

「當作是念：雖生死道長」已下，第三十復次，即是第三、明教菩薩正觀。菩薩若見眾生性多，言度不可盡，則起懈怠息追之心；故須教令作此正觀，除懈怠意也。當說。（卍新續藏 46，899c14-17）

<sup>207</sup> 正=心【聖】。（大正 25，590d，n.11）

<sup>208</sup> 死+（無）【聖】【石】。（大正 25，590d，n.12）

<sup>209</sup> 性+（無）【聖】【石】。（大正 25，590d，n.13）

<sup>210</sup> （1）諸法不轉生死、不入涅槃。（印順法師，《大智度論筆記》〔E013〕p.308）

（2）觀生死涅槃皆空。（印順法師，《大智度論筆記》〔E022〕p.320）

<sup>211</sup> 《大般若波羅蜜多經》卷 451〈57 願行品〉：

復次，善現！有菩薩摩訶薩具修六種波羅蜜多，見諸有情生死長遠，諸有情界其數無邊。見此事已作是思惟：「生死邊際猶如虛空，諸有情界亦如虛空，雖無真實諸有情類流轉生死及得解脫，而諸有情妄執為有，輪迴生死受苦無邊，我當云何方便濟拔？」

既思惟已，作是願言：「我當精勤無所願戀，修行六種波羅蜜多，成熟有情、嚴淨佛土，令速圓滿，疾證無上正等菩提，為諸有情說無上法，皆令解脫生死大苦，亦令證知生死解脫都無所有畢竟皆空。」善現！是菩薩摩訶薩由此六種波羅蜜多速得圓滿，疾能證得一切智智。（大正 7，278b16-28）

<sup>212</sup> 《大智度論疏》卷 24：

「問曰：有何次第」已下，先釋淨土經文所以來意，故興問答也。（卍新續藏 46，899c18-19）

<sup>213</sup> 無生忍後，唯有淨佛世界、成就眾生。（印順法師，《大智度論筆記》〔E022〕p.320）

<sup>214</sup> 〔是〕—【石】。（大正 25，590d，n.14）

<sup>215</sup> 〔今〕—【宋】【元】【明】【宮】。（大正 25，590d，n.15）

<sup>216</sup> 則=時【聖】。（大正 25，590d，n.16）

福德，住三種福德中，能令貧窮眾生皆得滿足：若作轉輪聖王、若作天王、若作神通聖人，則能多引導眾生，破其堅<sup>217</sup>貪，令住布施。」<sup>218</sup>

### （二）顯得益

以是眾生布施乃至<sup>219</sup>菩薩布施因緣故，後成佛時，國土中無有貧窮<sup>220</sup>者，心生隨意所得，如欲界第六天<sup>221</sup>所有諸物<sup>222</sup>

菩薩如是隨爾所時積集檀波羅蜜功德故，充滿一切。何以故？一切有為法屬因緣，行善因緣具足故，皆<sup>223</sup>隨意得果報。

### 二、持戒願

復次，眾生破尸羅波羅蜜因緣故，短命、多病、無有威德等；菩薩作是願：「我自具足持戒，（591a）亦教眾生令持戒。」

### 三、例餘願

餘殘諸願亦如是，隨義分別。

### （參）教菩薩正觀，不生疲厭

最後願義不明了<sup>224</sup>，今當略說。

#### 一、菩薩於上求下化生疲厭邪念

菩薩作如是<sup>225</sup>上<sup>226</sup>願已，疲厭心起：「佛道無量無數阿僧祇劫行諸功德，然後可得；但一劫歲數不可得數，故佛以譬喻示人，<sup>227</sup>何況無量無邊阿僧祇劫經此生死、受諸苦惱！眾生亦無量無邊，非可譬喻算數所及，但以<sup>228</sup>三千大千世界中微塵等眾生猶尚難度，何況十方無量世界微塵等眾生而可得度！」

以是事故，或心生退沒——是名「邪憶念」。

<sup>217</sup> 堅=慳【宋】【元】【明】【宮】【聖】【石】。（大正 25，590d，n.17）

<sup>218</sup> 轉輪王

菩薩願住三種福德中十天王

神通聖人（印順法師，《大智度論筆記》〔B029〕p.168）

<sup>219</sup> 乃至=及【宮】【聖】【石】。（大正 25，590d，n.18）

<sup>220</sup> 窮=乏【聖】【石】。（大正 25，590d，n.19）

<sup>221</sup> 《大智度論疏》卷 24：

「如欲界第六天」已下，欲論淨土實勝第六天，但取其隨意之義，是故言「如」。如云「石蜜味如甘露」，亦不得及甘露也。（卍新續藏 46，899c24-900a2）

<sup>222</sup> 《大智度論》卷 87〈76 一心具萬行品〉：「譬如他化自在天中，資生所須，隨意自至。」（大正 25，673c15-16）

<sup>223</sup> 皆+（應）【宋】【元】【明】【宮】。（大正 25，590d，n.20）

<sup>224</sup> 《大智度論疏》卷 24：

「最後願義不明了」已下第三，釋第三十復次。為患菩薩起退沒心，故教正觀，令興進求，化接無息也。當說。（卍新續藏 46，900a7-8）

<sup>225</sup> 〔是〕—【宋】【元】【明】【宮】。（大正 25，591d，n.1）

<sup>226</sup> 〔上〕—【聖】。（大正 25，591d，n.2）

<sup>227</sup> 參見《雜阿含經》（948-950 經）卷 34（大正 2，242b-c）。

<sup>228</sup> 以=如【宋】【元】【明】【宮】【聖】【石】。（大正 25，591d，n.3）



## 二、如來教菩薩正念正知，不應生疲厭心

### (一) 論主釋

是故佛教是菩薩正憶念：生死雖長<sup>229</sup>，是事皆空，如虛空、如夢中所見，非實長遠，不應生厭心。

又未來世亦是一念所緣，亦非長遠。<sup>230</sup>

復次，菩薩無量福德智慧力故，能超無量劫。

如是種種因緣故，不應生厭<sup>231</sup>心。

### (二) 引經說

此中佛說大因緣，所謂：「生死如虛空，眾生亦如是；眾生雖多<sup>232</sup>，亦無定實眾生。如眾生無量無邊，佛智慧亦無量無邊<sup>233</sup>，度亦不難，是故菩薩不應生疲厭心<sup>234</sup>。」

<sup>229</sup> 《大智度論疏》卷 24：

「生死雖長」已下，明破其長遠之相。如人夢中勦策<sup>\*1</sup>作業，見從生至老；至其覺也，只未可一句之間。此事亦爾，於先生死中，煩惱<sup>\*2</sup>晦<sup>\*3</sup>，故見長久；若解悟其理，則無長久相，故不應生厭，當度眾生也。（卍新續藏 46，900a9-12）

※1 策：同“策”。《龍龕手鑑·竹部》“策”，“策”的俗字。（《漢語大字典》（五），p.2976）  
策：5.督促，使進步。（《漢語大詞典》（八），p.1143）

※2 悞：亂。《說文·心部》：“悞，悞也”。徐鍇繫傳：“亂也”。（《漢語大字典》（四），p.2288）  
悞：4.同“悞”。心亂。（《漢語大詞典》（七），p.601）

※3 晦（尸乂ㄨ、）：4.昏暗，不明亮。7.昏聩，愚昧。（《漢語大詞典》（五），p.739）

<sup>230</sup> 三世一念。（印順法師，《大智度論筆記》〔E016〕p.313）

<sup>231</sup> 〔厭〕—【石】。（大正 25，591d，n.4）

<sup>232</sup> 《大智度論疏》卷 24：

「眾生雖多」已下，次破多相也。（卍新續藏 46，900a13-14）

<sup>233</sup> 《大智度論疏》卷 24：

「佛智慧亦無量無邊」已下，明無量之智慧還度無量之眾生，故無厭也。（卍新續藏 46，900a14-15）

<sup>234</sup> 心+（釋第五十七品竟）【聖】【石】。（大正 25，591d，n.5）

〈釋恒伽提婆品第五十九〉<sup>235</sup>  
（大正 25，591a20-592a12）

【經】

壹、恒伽提婆女，興淨土行願

爾時，有一<sup>236</sup>女人<sup>237</sup>，字恒伽提婆，在眾中坐。是女人從坐起，偏袒右肩，右膝著地，合掌<sup>238</sup>白佛言：「世尊！我當行六波羅蜜，取淨佛世界，如<sup>239</sup>般若波羅蜜中所說<sup>240</sup>，我盡當行。」<sup>241</sup>

貳、至誠供養，正迴向

是時，女人<sup>242</sup>以金銀華及水陸生華、種種莊嚴供養之具、金縷<sup>243</sup>織成疊<sup>244</sup>兩張，以散佛上；<sup>245</sup>散已，於佛頂上虛空中化成四柱寶臺，端正<sup>246</sup>嚴好。是女人持是功德<sup>247</sup>，與一切眾生共之，迴向阿耨多羅三藐三菩提。

<sup>235</sup>（大智度論釋恒伽提婆品第五十九）十四字＝（大智論釋河天品第五十九）十一字【宋】，＝（大智度論釋河天品第五十九）十二字【元】，＝（大智論釋河天品第五十九品）十二字【宮】，＝（釋河天品第五十九經作恒伽提婆品）十五字【明】，＝（摩訶般若波羅蜜恒伽提婆品第五十八）十六字【聖】【石】。（大正 25，591d，n.6）

<sup>236</sup>〔一〕－【聖】【石】。（大正 25，591d，n.7）

<sup>237</sup>《大智度論疏》卷 24：

「爾時，女人」已下，就此品中，大有四分：第一、明恒伽女人白佛興淨土行願，第二、明供養於佛，第三、明佛授其記，第四、明其發心行行文近。此初即是第一。論自釋言：「爾時有無量諸人念興淨土願，但此女發言。」故以標首也。（卍新續藏 46，900a20-24）

<sup>238</sup>掌＝手【宋】【元】【明】【宮】【聖】【石】。（大正 25，591d，n.8）

<sup>239</sup>如＋（佛）【宮】【聖】。（大正 25，591d，n.9）

<sup>240</sup>《大智度論疏》卷 24：

「如佛般若波羅蜜中所說」已下，此經兩處明淨土品——此中一品，下有一品明淨土行願，極為妙盡，故言「我當盡行」也。（卍新續藏 46，900a24-b2）

<sup>241</sup>《大般若波羅蜜多經》卷 451〈58 殑伽天品〉：

爾時，眾中有一天女名殑伽天，從座而起，頂禮佛足，偏覆左肩右膝著地，合掌恭敬白言：「世尊！我當具修布施、淨戒、安忍、精進、靜慮、般若波羅蜜多，成熟有情、嚴淨佛土，所嚴淨土如今世尊為諸大眾於此般若波羅蜜多甚深經中所說土相一切圓滿。」（大正 7，278c1-6）

<sup>242</sup>《大智度論疏》卷 24：

「是時女人」已下，第二、明其興致供養。此女爾時亦以無生心施，猶如摩訶施定光佛<sup>※1</sup>，得□<sup>※2</sup>檀波羅蜜也。若能壬<sup>※3</sup>三事施，施畜生一錢，亦檀波羅蜜具足。故福等雖勝，若不然者，雖以四海之財施佛，唯名為施，非波羅蜜；況施餘人也！（卍新續藏 46，900b3-7）

※1「摩訶施定光佛」，參見《四分律》卷 31（大正 22，785 b7-28）。

※2□：缺字。

※3 壬：2.盛大。（《漢語大詞典》（二），p.1004）

<sup>243</sup>縷＝縷【聖】【石】。（大正 25，591d，n.10）

<sup>244</sup>疊＝氈【元】【明】。（大正 25，591d，n.11）

<sup>245</sup>《大般若波羅蜜多經》卷 451〈58 殑伽天品〉：「時，殑伽天作是語已，即取種種金花、銀花、水陸生華及自嚴具，并持金色天衣一雙，恭敬至心奉散佛上。」（大正 7，278c6-8）

<sup>246</sup>正＝政【聖】，＝攻【石】。（大正 25，591d，n.12）

<sup>247</sup>功德與＝功功德【元】。（大正 25，591d，n.13）

**參、釋尊現神瑞，授無上道記****(壹) 如來現瑞為授記**

爾時，世尊知是女人深心（591b）因緣，即時微笑。如諸佛法種種色光從口中出，青、黃、赤、白、紅、縹<sup>248</sup>，遍照十方無量無邊佛國，還遶佛三匝，從頂上入。

爾時，阿難從座起，右膝著地，合掌白佛：「佛何因緣微笑？諸佛法不以無因緣而笑。」

佛告阿難<sup>249</sup>：「是恒伽提婆姊未來世中當作佛<sup>250</sup>，劫名星宿，佛號金花。

阿難！是女人畢女身，受男子形，當生阿閼佛阿毘羅提國土，於彼淨修梵行。阿難！是菩薩在彼國土，亦號金花。是金華菩薩於彼壽終，復至他方佛國；從一佛國<sup>251</sup>至一佛國，不離諸佛。譬如轉輪聖王，從一觀至一觀，從生至終，足不蹈地。阿難！是金花菩薩摩訶薩亦如是，從一佛國至一佛國，乃至阿耨多羅三藐三菩提，未嘗不見佛。」

**(貳) 阿難歎妙，佛印成**

時，阿難作是念言：「是金華菩薩摩訶薩後作佛時，諸菩薩摩訶薩會，當知為如佛會<sup>252</sup>。」

佛知阿難意所念，告阿難言：「如是！如是！是<sup>253</sup>金花佛時菩薩摩訶薩會，當知為如佛會。阿難！是金花佛比丘僧無量無邊、不可數不可數，若干百千萬億那由他。阿難！是金花菩薩作佛時，其國土無有是諸眾惡，如上<sup>254</sup>所說。」

**肆、出往昔因行，釋得授記因由**

阿難白佛言：「世尊！是女人從何處殖<sup>255</sup>德本<sup>256</sup>、種善根？」

佛告阿難：「是女人<sup>257</sup>從然燈佛所<sup>258</sup>種善根，初發阿耨多羅三藐三菩提心，以是功德，

<sup>248</sup> 縹（ㄉㄨㄟ ㄨㄣˇ）：2.淡青色，青白色。今所謂月白。（《漢語大詞典》（七），p.978）

<sup>249</sup> 《大智度論疏》卷 24：

「佛告阿難」已下，此同西國俗法故，皆喚女人為姊，表無邪心之義也。（卍新續藏 46,900b8-15）

<sup>250</sup> 作佛=佛作【聖】【石】。（大正 25，591d，n.14）

<sup>251</sup> （1）國+（土）【聖】【石】。（大正 25，591d，n.15）

（2）《大智度論疏》卷 24：

「從一佛國」已下，明法身菩薩以應化法身生也。若論其功德法身，但冥會<sup>※</sup>法性，而有妙智增明，故名法性生身。亦不論從國至國，常見報佛說法也。當說。（卍新續藏 46，900b22-c1）

※冥會：1.默契，暗合。3.調對玄理的領會。（《漢語大詞典》（二），p.454）

<sup>252</sup> （1）《大般若波羅蜜多經》卷 451〈58 殞伽天品〉：

爾時，慶喜竊作是念：「金花菩薩當<sup>※</sup>作佛時，亦當宣說甚深般若波羅蜜多，彼會菩薩摩訶薩眾，其數多少應如今佛菩薩眾會。」（大正 7，279a4-6）

※案：《大正藏》原作「常」，今依《高麗藏》作「當」（第 4 冊，8a22）。

（2）《大智度論疏》卷 24：

「當如佛會」已下，明阿難願上淨土經文之意。明此佛國如上淨土，故云「當如佛會」也。（卍新續藏 46，900c1-2）

<sup>253</sup> 〔是〕—【宋】【元】【明】【宮】。（大正 25，591d，n.16）

<sup>254</sup> 上=向【聖】【石】。（大正 25，591d，n.17）

<sup>255</sup> 殖=植【宋】【元】【明】【宮】。（大正 25，591d，n.18）

<sup>256</sup> 《大智度論疏》卷 24：

「是女從何處殖德本」已下第四，明其發心久近也。三藏中解云：從然燈佛來至毗婆尸佛時，一大阿僧祇劫；從毗婆尸佛來，至今釋迦，有九十一劫。此義亦與大乘合。此女發心已來，凡得多時也。當說。（卍新續藏 46，900c3-6）

迴向阿耨多羅三藐三菩提；亦以金華散然燈佛上，求阿耨多羅三藐三菩提。阿難！如我爾時以五華散然燈佛上，求阿耨多羅三藐三菩提。然燈佛知我善根成就，與我受<sup>259</sup>阿耨多羅三藐三菩提記。是女人聞我受記，發心言：『我當來世亦如是菩薩，得受（591c）阿耨多羅三藐三菩提記。』阿難！當知是女人於然燈佛所初發心。」<sup>260</sup>

阿難白佛言：「世尊！是女人久習行阿耨多羅三藐三菩提。」<sup>261</sup>

佛言：「如是！如是！是女人久習行阿耨多羅三藐三菩提。」

## 【論】

### 壹、恒伽提婆女，興淨土行願

#### （壹）為何大眾聽聞淨國土行而唯此女發願嚴淨佛土

問曰：如是大眾聞說淨國土行，何以但一女人取淨國土願？

答曰：

#### 一、女人性輕躁好勝故發言

多有發淨國土願者，但不發言；女人性輕躁好勝，世世<sup>262</sup>習氣故發言。

#### 二、雖女人淺智，而先世業因緣，應得受記

復次，有人言：大<sup>263</sup>人有得道分，餘人無分；佛法不然，隨眾生業因緣。譬如良藥療治諸病，不擇貴賤。雖復女人淺智，而先世業因緣，應得受記；心生欲說，故佛聽自說。

#### 三、佛為除眾生疑，故自說此女受記因緣

復次，若佛默然與受記者，人則生疑：「有何因緣故，獨與此女受記？」是故佛因其自說故而與受記。

#### （貳）此女何以名為「恒伽提婆」

問曰：何以名為「恒伽提婆」？

答曰：一切皆有名字，為識故，何足求<sup>264</sup>義？

有人言：是女<sup>265</sup>父母供養恒伽神，得此女故，言「恒伽提婆」——「恒伽」是河名，「提婆」名天。

<sup>257</sup> 〔人〕—【宋】【元】【明】【宮】。（大正 25，591d，n.19）

<sup>258</sup> 〔所〕—【宋】【元】【明】【宮】。（大正 25，591d，n.20）

<sup>259</sup> 受=授【元】【明】。（大正 25，591d，n.21）

<sup>260</sup> 《大般若波羅蜜多經》卷 451〈58 殞伽天品〉：

天女爾時聞佛授我大菩提記，歡喜踊躍，即以金華奉散佛上，便發無上正等覺心，種諸善根，迴向發願：「使我來世於此菩薩當作佛時，亦如今佛現前授我大菩提記。」故我今者與彼授記。（大正 7，279a24-28）

<sup>261</sup> 《大般若波羅蜜多經》卷 451〈58 殞伽天品〉：

爾時，慶喜聞佛所說歡喜踊躍，復白佛言：「今此天女久為無上正等菩提植眾德本，今得成熟，是故如來、應、正等覺與彼授記。」（大正 7，279a28-b2）

<sup>262</sup> 〔世〕—【聖】【石】。（大正 25，591d，n.22）

<sup>263</sup> 大=女【宋】【元】【明】【宮】【聖】【石】，但聖本有「大或本」三字傍註。（大正 25，591d，n.23）

<sup>264</sup> 求=救【宋】【宮】。（大正 25，591d，n.24）

<sup>265</sup> 女+（人）【宋】【元】【明】【宮】。（大正 25，591d，n.25）

**貳、至誠供養，正迴向**

是女人<sup>266</sup>福德因緣，生於富家，聞佛法信樂故，能以金銀寶華、金縷織成上下衣、并莊嚴自身瓔珞具，用供養上佛。

**參、釋尊現神瑞，授無上道記****(壹) 如來現瑞為授記****一、佛微笑示義**

佛報以受記<sup>267</sup>；觀是女人宿世所行，便微笑。

微笑義如先說。<sup>268</sup>

此中小因緣而起大事，故佛微笑。

**二、釋疑：為何恒伽提婆女於阿閼佛國方得男子身**

問曰：是女福德應久轉女人<sup>269</sup>，何以方於阿閼佛國乃轉女身？

答曰：

**(一) 女人情多不能得男身，今得受記，故於阿閼佛國方得男身**

世間五欲難斷，女人著欲情多故，雖世世行諸福德，不能得男子身；今得受記，諸煩惱折薄，是故於阿閼佛國方得男子身。

**(二) 此女宿願以女身得受記**

有人言：此女宿世以人多輕女人故，願女身受記。

如是等因緣，不轉女身而得受記。

**(三) 經說女人五礙，不說不得受記**

復次，經說女人五礙，<sup>270</sup>不說(592a)不得受記，是故不應生難。

**(貳) 阿難歎妙，佛印成**

阿難聞是女人無量劫中從一佛國至一佛國廣集功德，當來得淨佛世界，其中菩薩皆有三十二相、八十種隨形好、無量光明，是故阿難歎未曾有：「能如是淨佛<sup>271</sup>國土，便為如<sup>272</sup>佛會。」

<sup>266</sup> 《大智度論疏》卷 24：

「是女人」已下，釋第二供養之文也。上經中，但言以水陸生華及雨<sup>\*</sup>張牒；今此乃云：上、下衣及身瓔珞。上下衣，即是僧伽梨、安陀會也。(卍新續藏 46，900c12-14)

※案：「雨」或作「兩」。

<sup>267</sup> 《大智度論疏》卷 24：

「佛報已受記」已下，釋第三為其授記文也。明此女既以無生心施，故須授記也。(卍新續藏 46，900c15-16)

<sup>268</sup> 《正觀》(6)，p.188：《大智度論》卷 7 (大正 25，112c-113a)、卷 40 (353c24-354a1)。

<sup>269</sup> 人 + (身)【聖】【石】。(大正 25，591d，n.26)

<sup>270</sup> (1)《中阿含經》卷 28 (116 經)《瞿曇彌經》：「阿難！當知女人不得行五事：若女人作如來無所著等正覺及轉輪王、天帝釋、魔王、大梵天者，終無是處！」(大正 1，607b10-13)  
另參見《大智度論》卷 2〈序品〉(大正 25，72b27-28)、卷 56〈30 顧視品〉(大正 25，459a6-7)。

(2) 經：女人五礙。(印順法師，《大智度論筆記》[H001] p.390)

<sup>271</sup> [佛] — 【宋】【元】【明】【宮】。(大正 25，592d，n.1)

<sup>272</sup> [如] — 【宋】【宮】。(大正 25，592d，n.2)

**肆、出往昔因行，釋得授記因由**

佛可其言已，阿難等疑此女人希有，聞少法而得大果報，是故難<sup>273</sup>問：「是女人從何處殖諸德本？」

佛答：「定<sup>274</sup>光佛授我記時，是女人持金華散佛，彼<sup>275</sup>作是願：『此人後成佛時，亦當受<sup>276</sup>與我記。』從彼種善根，今得果報<sup>277</sup>。」

---

<sup>273</sup>（阿）+難【宋】【元】【明】【宮】【聖】【石】。（大正 25，592d，n.3）

<sup>274</sup>定=錠【宋】【元】【明】【宮】【聖】【石】。（大正 25，592d，n.4）

<sup>275</sup>〔彼〕-【聖】【石】。（大正 25，592d，n.5）

<sup>276</sup>受=授【宋】【元】【明】【宮】【聖】。（大正 25，592d，n.6）

<sup>277</sup>報+（釋第五十八品竟）【聖】【石】。（大正 25，592d，n.7）